

# Ishintililo



Ndi uwa nsansa sana ukuba muno muno lucelo no kumfwa uku ukoselesha, ilyo nacilaisa fye ku ntanshi. Munjeleleko pa kucelwa, lelo abalwele abali kunuma kulya, naba motoka, abali nga ba ambulansi, kabili—kabili naciba no kumona abo aba shingengila mukati (mulemona?) lintu nshilaingila.

Nomba, ndesunguka nga cakuti nkashi ukwete u—umwana umunono, nga tekuti abwele nakabili mu cungulo. Ndefwaya nshimikile mu nshita ya cungulo bushiku namo, Shikulu nga suminisha. Nga tekuti abwele mu kushishiwa lyena (nangu na iminina nomba inshita iitali), cisuma, mu mwebe uku—kuti aleeta umwana nomba. Lelo nga kuti abwela mu—lelo—ubushiku, cili no kutuwaminako panono. Lelo lekeni conse ico alefwaya ukucita; conse ifyo cilepilibula. Cinshi, nga cakuti teti abwele, twalaleta umwana umunono mukushishiwa. Kabili nomba, fyonse fi. . . Ilyo ncili ndelanda, nga lefwaya ukwisa nomba kabili—ino kuti yaba e nshita. . .

Nomba, mu nshita ya bushiku kuli cimo icikankala sana. . . Nde—ndefwaya ukulanda pe sambililo mu nshita ya bushiku, imbila ya busesemo iya *Mukwai, Bushe Ino e Nshita?* Eico, Shikulu nga suminisha, ndefwaya ukulanda pali lilye sambililo mu bushiku: *Bushe Ino e Nshita, Mukwai?*—atemwa *Mukwai, Bushe Ino e Nshita?* Ntile. Elyo kabili, ndefwaya ukusenda ili shuko mu cinso ca lukuta, icili. . . Kuliko ifintu ifingi ifya citika mu nshiku ishinono isha fintu ifilesonta ku cintu cimo i—icikalamba ico nshumfwa. Lelo twaba—twaba lyonse. . . Inshila shakwa Lesa shaba ishayafya ukushisanga ku muntu, eico tulingile fye ukwenda ku citetekelo. Nga umo kuti alondolola Lesa, lyena tekuti nakabili cibe icikankala ukukwata icitetekelo, pantu imwe—imwe mwalishiba lyena. Lelo twenda fye ku citetekelo.

Kabili muno lucelo nacidontontokanya nalaesha ukukwata fye ukulongana ukwa kubila nga lyonse, pantu. . . Cili kwati nacipilibula itontontokanyo lyandi panuma ilyo nacifika kuno no kumona abengi nabeminina kabili nabalolela pa nshita iitali. Elyo kabili, mu nshita ya bushiku, nalimo pa—panono kuno, kabili lyena kuti natwalilila neci, ico ndefwaya ukusosa.

Icintu cimo ico ndefwaya ukubilisha, lintu abengi muli bena bali capamo—mwe bengi imwe capamo, cintu cimo ico ine—ico nshalefwaya ukubilisha pa milungu inono iya fumako; ico e kutila, amapepo yenu nayasukwa pa mulandu wa mulandu wa musonko uo nakwete ku buteko. Naupwa. Kabili eico tuli. . . Na—naupwililila nomba. Nge fyo mwe bengi mwaumfwa, ifyo balesusha ine cali yalya ama ceki aya lepelwa

pa mulandu wa misonkano; kabili nangu cibe fyo, balyeseshe ukusoso kutila yali ayandi kulya kabili balefwaya ukumpingula amakana yatatu na makumi yasano ukulundapo ama dollars pakuba icipe candi. Kabili tashali; shali isha misonkano. Kabili ulukuta lwalishiba pali ico; bonse imwe mwalishiba pali cena.

Kabili mu kulekelesha, baishile fika pa cifulo ico... (Nalamupelako fye ilyashi ilinono pa fya citike.) Bali mu pepi ne myaka itatu ukufika na isano palwa (mu pepi ne myaka isano, ndemon), mu mulandu, uku bwelela kunuma no kuya kuntanshi, ne misango, na fyonse fye. Lelo ndetotela sana ukuti tabasangilepo nangu cimo ica kunshinina, eico balifililwe ukumpela umulandu pali cena. Eico tapali ica kupelelwapo umulandu, basosele fye ukuti, mukukana ishiba fye kwandi—kwandi ine wine, ndemon. Lelo ukwabulo kwishiba sana pa mafunde, nga bandetela ama ceki; kabili naleyasaina, nalelebapo ishina lyandi pali yena, no kuyapela ku musonkano. Lelo kanshi, lyonse ilyo nalebika ishina lyandi pali yena, yali ayandi. Mulemona? Te mulandu... Atile, "Ico cisuma kuli iwe uku—nga filya, lelo yali ayobe, elyo kabili waleyapela ku lukuta. Lelo lilya line nga wabikapo ishina lyobe pali yena, yaleba yobe; te mulandu uko yali no kubomba, ya tuminwe kuli iwe." Eico, kabili nga bali yabikile pali—umuntu umo alilembelepo intanshi palya "ica bupe cobe," nga cali fye bwino; lelo balelemba fye *William Branham* (mwamona?); kabili ilyo nalelemba ishina lyandi pali yena, cali—cilya e calengele; cali fyonse. Eico bali... Elyo kabili mu kulekelesha na mapepo...

Elyo kabili te kale sana, na mwishiba, bena—nalikwete icimonwa ukutula umu kalamba, uwa fita, uwa fitulukila, uwalamba, uwamamba (uwapala nge nq'wena) umwaume aishile ukulaenda ukwisa kuli ine ne minwe sha cela. Nakwete kamo akamwele akanono, nga filya, kabili alikwete pali wene *United States Government*. Kabili tapali nangu cimo ico ninga cita, nshakwete amaka yakuyafwilisha; kabili lyena Shikulu aishile monekela, kabili cali cimfiwe. Kabili muleibukisha ine ukumweba ico akale sana.

Kabili bali kwete ukumfwana ubushiku bumbi. Kabili ndubulwila wandi, Mr. Orbison mu New Albany, kabili Ice na Miller mu Indianapolis pa mulandu wa musonko bali ntumine lamya no kunjeba, "Wise kuno." Kabili nalile kulya, Munyina Roberson, kabili ine, no mukashi wandi, nama trustees aba mu lukuta muno, kabili ifwe bonse; twalile kulya, kabili balitwebele ukuti bali—ubuteko bwalefwaya ukumfwana.

Kabili natile, "Ine—nga nalikwata imisha iili yonse ku uuli onse, ndi no kubalipila. Lelo nka—nkacita conse cisuma, lelo," natile, "Nshakwate sho misha." Kabili eico natile, "Ine—ine—caba... Mubufumacumi, Lesa alishiba. Kabili cinshi

tabankandile ine lyena nga nalikwete umulandu?” Natile, “Balikwete imyaka isano ukweshwa ukucicita, lelo tabasangilepo ica kucicitilako.” Eico natile, “Iyo, nsha—nshakashilipile fye mpaka cika shininkishiwe ukutila nalikwete imisha kuli cilya.”

Elyo kabili, ndubulwila alinsendele mukati, no kulanda kuli ine, kabili atile, “Nomba kuti twaesha umulandu. Ubuteko buli no kubweshwa.” Kabili atile, “Nga bacite co, icintu fye ceka ico benga sanga ukususha iwe cali ca kutila iwe...”

Ico ine—ico...Umusango nacitilemo; nsha citile fye... Nshaishibapo nangu cimo palwa kusunga amabuku, eico nacitile fye mu musango natontonkenye ukuti wali uwa bufumacumi. Kabili cali—tashatalile ukubikwa ku bank mwi shina lyandi; lyonse shalebikwa ku bank mwi shina lya lukuta, umusonkano, kabili na fimbipo. Mwamona? Eico tapali nangu cimo ico ninga cita pali cena.

Kabili ine...Atile, “Cisuma, balefwaya ukumfwana cibe fye ama dollars amakana ikumi na yasano, no kubikapo ukukandwa ama dollars amakana ikumi”; kabili isha kulipila ndubulwila shali amakana ikumi na yasano. Ico canengele ine ukukwata amakana amakumi yane. Kabili eico kanshi, balefwillapo nayambi yasano, ndetontonkanya eflyo cili nomba, eico nalile...Natile, “Nikwisa mwi sonde uko ningafumya ama dollars amakana amakumi yane?” Natile, “Namwishiba account yandi iya ku bank kuno, itila nalimo ama dollars umwanda umo nalimo tayafikapo.” Natile, “Nikwisa uko ningafumya ama dollars amakana amakumi yane na shimbipo?” Kabili natile, “Nshakwata ne fiye ifya kushitisha; nshafikwata fye. Epela fye.”

Kabili atile, “Mr. Branham,” atile, “ifi e fintu cili: Nga twaesha umulandu,” atile, “tapali no kutwishika lelo kuti twacimfyo mulandu.” Atile, “Lelo pano epali—u...Kuti twaucimfya, pantu ifi pano eflyo ndi no kucita. Bali no kufwaya shonse ishali ishobe, pantu walelemba po ishina lyobe pali yena. Kabili bali no kusoso kutila shobe, nangula shalisungilwe mwi shina lya musonkano, ulukuta, Umusonkano wakwa Branham, elyo kabili ulukuta.”

Kabili tapaba ne nshita nangu imo apo basangile cent umo uo natalile ukubomfya pa lwandi. Ico cishinka; Lesa alishiba! Kuli abantu abekele muno mwine nomba, baba na ine inshita yonse ii. Takwali cent nangu umo uo natalile ukubomfya pa lwandi. Shonse shali fye sha ku Bufumu bwakwa Lesa, ukuli konse, cila ceke, fyonse fye ifyashala.

Lelo mwamona ico? Lelo cilya tacili na mulandu. Cali—ine—cali no kuba icandi intanshi elyo kabili, ulukuta, imisonkano. Kabili balikwata inshila iya kucicitilamo,

namwishiba, umwakubutukila umwa misango misango bapanga. Eico kanshi natile, “Cisuma, naba—tekuti ncicite fye.”

Kabili atile, “Cisuma, nga ca kuti twacimfyo mulandu muli ulya musango, pantu ndi—ndi no kufilangisha nge fya bupe fyobe. (Mwamona?) Ndi no kufilangisha, ku buteko, ifya bupe fyobe.” Kabili natile, “Kanshi, nga naisa cite co, yonse fye ama dollars amakana ikumi yakaba yobe; elyo kabili, ukabwelela nakabili muli wena, kabili bakakwikatilila imyaka naimbi isano ukupitulukamo muli yonse.”

Mwamona? Nga walemba ceke, ilaya ukupita mu ng’anda ya kufwailishamo; balafikopesha, copy wailya ceke. Pantu, nalikwete yonse ama ceke na ine, ayo ayapitile mulya.

Eico batile, “Kulya eko balekubwesha nakabili.” Kabili atile, “Icintu na cimbi, Mr. Branham, nga cakutila bakwita ku buteko, nga filya, ku kufwailisha, te mulandu ifyo winga cita, mu menso ya cintu bwingi niwe cintomfwa.” Mwamona? Lelo filya e fyonse.

Moneni kuli uyu kashimikila uwaku Baptist umunono kulya ku Mississippi. Ulyo mulumendo umunono... Umwanakashi atile ati alishile no kumutuka. Kabili ulyo mwaume aishile ne cishininkisho ukufuma mu calo monse no kuli konse (talimo nangu nimu musumba pa nshiku panuma ya bushiku, atemwa panuma ya uubu bushiku), icakutila kapingula aishile pilibuka no kumweba ena ukushitila saimoni umwanakashi pali uyu mulandu. Atile, “Mulekeni abe.”

Kabili ilyo cilya cabikilwe pa mulabasa wa fikope mu calo monse, na mwishiba ica citike? Per cent ya makumi cinelubali na fisano iya bena America batile, “Apali icushi, pali no mulilo.” Kabili ulyo mulumendo umunono umubusu (uwa kaele fye nge fyo naba atemwa umuntu uuli onse), aka cula pali shilye nshiku shakwe shonse, ilyo takwete nangu cimo icakucitapo na cilya.

Nalyumfwile ububi sana, pa kashita, ukutontonkanya ukuti nalibika ubumi bwandi ku Bufumu bwakwa Lesa ukweshwa ukupanga (mwamona?) abantu balakulipilila umusonko, no kucite fintu, kabili no kucita ifyo ifili ifya lungama, no kulenga ba cintomfwa ukuba abantu abalungama, kabili uku mbika nga cintomfwa ine wine.

Natontonkenye, “Cinshi mu calo ico nacita?” Elyo kabili caishile kuli ine, kabili nalolekeshe muli Baibele. Umuntu onse muli Baibele, ukwabula ukupatula nangu umo, abo abatalile ukukwata iofeshi lya ku mupashi, nga Satana alifililwe ukubasenda mu fya bulalalela atemwa icintu cimbi, ubuteko bwalebekata. Bweleleni fye konse uko mulefwaya, ukuya fye kunuma—Moses, Daniel, abana ba ci Hebere, Yohane Kabatisha, Yesu Kristu (bafwile ku buteko—ukukandwa

ukwabipisha), Paulo, Petro, James Umukalamba, James Umunono, bonse fye baipaiwe no buteko, pantu caba, ubuteko ubuli bonse bwaba icipuna—icipuna cakwa Satana. Yesu eflyo asosele; Baibele eflyo isosa. Mwamona?

Ubuteko ubuli bonse butungululwa na ciwa. Kuleisa ubuteko ubuka tungululwa na Kristu; lelo ico cikaba ni mu Millennium. Lelo ubu—aya ma buteko nombama, te mulandu ifyo tutontokanya ukuti yaliba bwino, lelo kunuma ya yena yaba—yali tekwa na Satana. “Aya ama bufumu” atile, “yandi; nda cita na yena conse ico ndefwaya ukucita. Ndi no kuyapela kuli iwe, nga wala nshinshimuna.”

Yesu atile, “Fuma kuli ine Satana! Uli no ku shinshimuna Shikulu, kabili Wena eka eo uka bombela.”

Elyo kabili naishile nenushiwa (umukashi wandi aleumfwa kuli ine); naile ku ng’anda kabili natile, “Iyo, mukwai! Ine—nga nalikwata imisha, nkashilipila. Nshakwata imisha pali ci, kabili nshakashilipile. Epela fye.” Natile, “Kuti nashilipila shani mu musango uyu?”

Eico naile ku ng’anda kabili natile, “Meda, sambika abana, longa ne fyakufwala fyabo; ndeya.” Natile, “Tabakacite nangu... Ifintu fyonse, fili fye ifyalubana.” Kabili natile, “Cinshi ico ncitile? Njeba!” Kabili natile, “Lelo, ine ndi na ma dollars amakana amakumi yane? Whew! Tawishibe ifyo ico cili kuli ine!” Kabili aishile ingila ngo mukashi umunono umusuma enga cita, atile... Natile, “Ine ndeya!”

Atile, “Uletontokanya ico cili no kucitapo icisuma?” “Wali pepelapo kale?”

Natontonkenye, “Cisuma, nalimo ningile ukupepa nakabili.” Nalibwelele mukati, kabili camoneke kwati Asosele kuli ine Ilembo. Lyonse tufwaya ukulolesha Amalembo, ifyo Lesa acitilepo pali cilya. Mulemona?

Kabili ubushiku bumo bali Mwapwisha, namwishiba, ukweshako uku—ukwesho uku Mupela umulandu ku buteko; batile, “Bushe cili ica lungama kuli ifwe fwe ba Yuda abali abantungwa ukupela umutulo atemwa ukusonkela kuli Kaisare?”

Atile, “Naukwata ikobili?” Atile, “Cipasho cakwa ani icilipo?”

Atile, “Kaisare.”

Atile, “Eico peleni Kaisare ifya kwa Kaisare, kabili kuli Lesa ifya kwa Lesa.”

Kabili natontonkenye pali cilya; nalipilibwile muli Baibele no kuibelenga. Natontonkenye “Mucine, Shikulu, ico cishinka! Lelo ishi te shakwa Kaisare; ishi Shenu, tashali ishakwa Kaisare. Nga shali ishanda, kabili nali no ku—nalingile ukulipila umusonko uwingi atemwa icintu cimo, cisuma ico

nga cali icintu cimbi. Ukuti—shali ishakwa Kaisare, lelo ishi—ishi Shenu. (Mwamona?) Kabili tashali—tashali shakwa Kaisare ica kubalilapo.”

Namwishiba, lyonse ena alikwata ubwasuko mu Cebo. Nalitwalilile ukubelengako panono pa ntanshi, kabili Atile, “Ati, Simon, taukwete—bushe taukwete ubulobo mwitumba lyobe? (Mwamona?) Lyonse ulasenda akalilobo akanono na katambo. Kabili na cisungisha fye muno lucelo mu bank ye sabi ulubali lwa kulya ku—ku mu mana, nawishiba.” Atile, “Ena—naciya sungisha, kabili ubomba mu bank mucine cine ali no kupela ifyo akwete. Kabiye fye kulya no kuposa ubulobo mu mumana; kabili ilyo wafika ku bank, wisule akanwa kakwe (mulemona?), kabili ali—alino kupela ikobili. Twibapunwinsha. Twileta umulandu kuli bena. (Mwamona?) Kabiye uye lipila, Simon; ili nokuba iyobe na Ine.”

Natontonkenye, “Cishinka, mwe Lesa, na Mukwata ama bank ye sabi kabili na fyonse fye ukushinguluke calo. Nshishibe ifyo cingwa.”

Lelo twalile kulya; nasendele ba munyina muno mwine fye mu lukuta, abo aba njiminineko pali ceke yandi. Kabili nalitwele ceke ilya, kabili napokele ama dollars amakana amakumi yane, no kushilipila. Nalile ku ng’anda; nalefwaya ukwishiba umusango nalembelemo ilya ceke nga cakutila bali no kubwela nakabili kuli ine. Natile, “Tei cilepilibula ukutila ndi muntungwa ku misonko yonse.” . . . ? . . . ukulemba pali ilya, mucine bakaba mubwafya panuma ya cilya.

Nalitwalilile ukulaipusha ku bank ukumona nga cakutila bakacicita, kabili mukulekelesha Bob alinjebile; atile, “Billy balicicita.”

Kabili nalingile no ku kumbata umukashi wandi; natile, “Mutemwikwa, ndi muntungwa!”

Ifyo cabe icawama ukubo muntungwa. Kabili e ico kuti naulipilila nomba (bacilengo kuba icayanguka sana kuli ine), kuti nashilipila ukushibweshwa pa ma dollars amakana yane mu mwaka. Nomba, ine—ine tekuti ndofwe nakabili, mwe fibusa; ningile ukuya kumo no kutendeka ukubomba. Eico ine—ine . . . Cikansendela imyaka ikumi ukushilipila kabili—nga—nga i—Yesu taleisa. Kabili ilyo cilya—ilyo Akesa, shonse inkongole ninshi shalipilwa nangu cibe shani, mulemona. Kabili ico—kabili ico ndesubila ukuti imwe bonse, ine . . . Ama pepo yenu (kabili mu bushiku nalatwalilila ne cintu icinono kuli cilya), lelo ama pepo yenu eya ngafwilishe. Namutotela nganshi. Lesa amupale. Te mulandu uko tukaba, nshakatale ukulabako cilya.

Mu bushiku, Shikulu nga suminisha, ndefwaya ukukomaila pa fishinka fimo ifyo naishiba, kabili moneni ukutila mwaisa. Nomba ibukisheni, *Mukwai, Bushe Ni Nshita Nshi?*

Nomba, twalayaku...Ndecetekela nabakwata ifili no kucitika fyonse onse uno—uno mulungu—kabili pali Cimo mu bushiku kuli no—ukulongana ilelo, kabili mu bushiku na pali Cimo. Pali Cimo mu bushiku kulongana kwa bushiku bonse. Kabili—elyo kabili, ico cilemupela pali Cibili, ubushiku bwa Mwaka Upya, nga mwaba kunse ka musumba, kuti mwabwekela ku mwenu. Kabili tukakwata bakashimikila abasuma kuno nomba pali kulyo kulongana—ifwe—i—ibumba ilikalamba lyaba kashimikila abaishibisha. Kabili cila muntu akalalanda panshita imo mpaka pakati ka bushiku; kabili inshita shimo balakwata Umulalilo (nga nacilinga, nshishibe nga bali no kucicita ino nshita atemwa iyo) ilyo bale...Uko balewelesha no kupunda, no kulasa, no kunwa, no kutwalilila, tukalakwata Umulalilo (Ameni!), ukwamba fye Umwaka Upya no Mulalilo.

Nomba, bonse imwe namwitwa, kabili ndesubila ukuti imwe—Lesu uwa mu mulu ali no kumipela ishuko ilya kubako nga kuti mwacita.

Nomba, lintu tatulapalama ku Cebo, ndefwaya ukusosa ici naco, ukutila mu cine cine ndetasha kuli ulu lukuta naba membala baluko, pali ii suti iya kufwala iyo mwanshitile. Na mutotela nganshi. Ico cilepilibula ifingi kuli ine: amakadi yenu yonse ne fintu ukupitila mu—mu—mu nshita isha Krishimishi, ne fya bupe ifyo mwatumine ku lupwa; kabili owe, ine—fyali ifingi nganshi kuli ine, kabili utuntu utunono utushinga kumya mukati ka mutima wandi. Takuli icinga cicita nga cilya, ukwishibo kutila fya fumine kuli imwe.

Kabili eico, bamo muli bena bali ntumine ifya bupe fyabo fimo ifya Krishimishi mu ndalama, kabili bamo muli bena batumine...Ifya pala nga, munyina umu alintumina akali buku ka mwitumba kabili ci—cilya alibikilepo ne shina lyandi pali kena; kabili na kanapini akanono ako mwingaloleshamo, kabili kalikwata ipepo lyakwa Shikulu pali kena; kabili owe, ifintu ifya pala nge fyo, caba fye—tutotela fye. Umukashi wandi na ine, kabili na bana tulefwaya ukumweba twatotela sana. Cintu ici nono sana, lelo nalasose ci (ili lishiwi ilikalamba nganshi ilyo ndetontokanya ukuti umuntu uli onse kuti asosa): “Lesu amupale.” Tekuti kube ilikalamba ukucila apa.

Nomba, kabili kuli aba ba munyina pano pa lukuta abanshitile ilye mfuti ni—ni mfwala suti yandi, lelo tekuti ine—ine ndete imfuti ku chalichi. Lelo cali...Nga cine cine balikwete icintu cimo icakumpelelapo umulandu lyena, bushe nga taba citile? Eico ine—ine—ine mucine cine nde mutotela, ba munyanane. Kabili nali no kubelenga ama shina yabo pa kanono...Lelo umu uwa bwananyina eko ali mailo; atile, “Owe, wiesha—wiesha—wiesha ukuntotela, Munyina Branham, kuti cafumya fye insansa muli cena.” Mwamona?

Eico natontonkenye, “Nalimo bonse abashala kuti ba tontonkanya icintu cimo cine.” Lelo ninkwata ishina lyobe; bali lilemba. Lyonse nakulalibukisha, kabili Shikulu amupale apa kalamba.

Kabili mwalishiba ifyo ntusha, kabili no kuya muli cilye cipinda ca kusomenamo, no kwikala mulya, no kutendeka cipya cipya. Ilyo napumfyanishiwa nganshi tekuti nje pa ntanshi, elyo, ntontonkanya pa bulendo bumo ubo naile mu kulunga kumo, atemwa kumo uko naile mu kuloba. Ndetasha pali co. Lesa amupale.

Nomba, katukontamike imitwe yesu pa kashita fye ilyo tulepalama Icebo! Ndi uwashininkisha muli fya kulomba muno muno lucelo ifingi ifya kuti teti tupende ili line fye, eico ndesunguka, ilyo tucili natukontamika imitwe yesu, ifya kulomba fyenu ifikankala, nga kuti fyabikwa fye pa mitima yenu, kabili imyeni fye amaboko yenu, no kusosa, “Lesa, namwishiba ico ndetontontanyapo nomba.”

Shikulu Yesu, Mulemona ukuboko konse; kabili Namwishiba icili kunuma ya kulya. Mukati pe samba lya kulyo kuboko pali ica kulomba. Kabili twaisa nomba, na katina uko ku Cipuna cakwa Lesa uwa Mweo, lilye libwe ilya buta ilyayemba ilikalamba ilyo ilya pula mu cishilwa ca nshita, uko Yehoba Lesa aikala mulya, no Mulopa wakwa Kristu na wikala pa cipailo. Kabili tulelandila ukupitila pali ulyo Mulopa kuli Wene uwasosele ukuti, “Lombeni icili conse mwi Shina Lyandi; cikapelwa.” Bushe tamwa Umfwe, mwe Lesa, muno lucelo no kwasuka ifya kulomba fyabo? Nabika ipepo lyandi pamo ne yabo ukutila Mwalafipela ilelo.

Utu tutambala utuli pano, Shikulu, uto abalwele naba cushiwa... Kabili twalisambilishiwa muli ilya Baibele ukuti bali fumishe kuli Paulo Washila ututambala no tusalu; kabili balitubikile pa balwele, kabili ne mipashi iya kowela yalifumine muli bene, na malwele yalifuminepo. Kabili Tata, nge fyo twaishiba pa nshita iitali, kabili mucine twalishiba, ukuti tatuli Paulo Washila; nangu cibe fyo, tuleumfwa ukutila tacali Paulo Washila, cali ni Kristu uwali muli ena. Kabili Mwaba cimo cine mailo, ilelo, no muyayaya ukulingana na Malembo.

Nomba, aba bantu, Shikulu, balicetekela ukuti nga twalomba kuli Lesa, no kubula utu tutambala, no kutubika pa balwele babo, ukuti bali no kuba abatuntulu. Ndepepa ukuti cili no kube fyo, Shikulu. Ilyo utu tutambala twabikwa pa balwele... Nge fyo ca soselwe, inshita imo Israel ukutendeka mu nshila ya mulimo, ukuya ku mpanga ya bulayo, kabili Bema Wakashika alibacingilile ilyo bali fye mu nshila ya mulimo; lelo Lesa alolekeshe panshi ukupitila muli ilye Ntumba ya Mulilo na menso ya bukali; kabili ulya bema



alyumfwile umwenso, kabili akunkulwile kunuma amabimbi yakwe, amenshi yakwe; kabili Israel alipitile pa kati pa mushili uwauma ku mpanga ya bulayo.

Nomba, Shikulu, ilelo lolekesheni ukupitila mu Mulopa wakwa Yesu. Kabili Mulemona uyu mulimo uwa citetekelo uo tulebomba pano muno lucelo; kabili shi lekeni Satana omfwe umwenso no kutalukako. Kabili lekeni cila umo uwa aba abatandashi abali muno, kabili cila umo uyo utu tutambala tukabikwapo, lekeni bena—umusebo wisuke, amalwele yatalukepo; kabili lekeni bende ukuya ku mpanga yabulayo, ukulatungululwa ku Mupashi wa Mushilo, Intumba ya Mulilo. Cipeleni, Shikulu.

Nomba, paleni ukulongana konse, ifyebo, isambililo, ukubelenga; kabili lekeni Umupashi wa Mushilo asende Icebo muno lucelo kabili bwino bwino uku Cakanya kuli cila umo muli ifwe, Shikulu, ilyo tule palama kuli cimo icikalamba, icintu cimo icakupapusha, ico tatwishibe ni cinshi. Imitima yesu ile enshiwa umwaibela, Shikulu, kabili tulepepa nomba ilyo tulepalama nakatina kuli Imwe kabili ne Cebo Cenu ukuti Mwalatwilwila ubupilibulo ubulimo. Pantu twalombela ifi mwi Shina lyakwa Yesu. Ameni.

Nomba mu nshita ya bushiku, mwilaba *I—Inshita, Bushe Ni Nshita Nshi?*

Kabili nomba, muno lucelo ndefwaya mpilibwile kuli (imwe mwe bakwete ama Baibele yenu atemwa mushilemo, nga mulefwaya)—mu Malembo, umo tulefwaya ukusosamo pa nshita inono, yalesangwa mwi Buku lya Milimo ya Batumwa. Kuti twabelenga ififulo fibili atemwa fitatu: Imilimo ya Batumwa 26:15 intashi, Imilimo ya Batumwa icipandwa ca 25 kabili na vesi lya 15, ukubalilapo. Elyo tulefwaya ukubelenga Imilimo ya Batumwa 23:11; kabili kuti mwalundapo na ya (nga mulefwaya ukucita, limbi nshakwate nshita iya kubelenga) Abena Filipi 1:20. Yonse yali fye pa cintu cimo cine, amashiwi yamo yene.

Nomba, mwi Buku lya Milimo ya Batumwa 26:15, tule—yalebelengwa nge fi:

*Awe ine natile, Nimwe bani, Shikulu? Kabili nao atile, Nine Yesu untu iwe walamata.*

*...ima, iminina ku makasa yobe: Pantu eco nakumonekela ku kusonta iwe, ukubo mubomfi kabili nte iya ifyo wamona, ne ya ifyo nkamonekelamo kuli iwe;*

*Nkapokolola iwe ku bantu, na ku Benafyalo, . . . abo Ine ndekutumina,*

*Ku kushibula amenso yabo, ku kuleka bapilibuke ku mfifi balole mu lubuuto, ba pilibuke na ku maka*

*yakwa Satana balole kuli Lesa, ku kuyamono ku kulekelelwa imembu shabo, na pakwikala mu bashishiwa ku kutetekela kwa kuli ine.*

*E ico, Mwe . . . Agrippa, nshali uwa munkanya ku cimonwa ca mu mulu:*

*Lelo nabilishe bilishe mu Damaseke, pakubala, na mu Yerusalemu, na monse mu calo ca Yudea, na bena—elyo na ku Benafyalo pamo, ukuti balapile no kupilibukila kuli Lesa, bacite ifiyene no kulapila.*

Mu Milimo ya Batumwa 23 kabili na vesi ya 11 nakabili:

*Awe pawakonkapo ubushiku Shikulu aiminine kuli wene, ati, Teko mutima, Paulo: Pantu . . . Ifyo wa nshimiko bunte mu Yerusalemu, ifyo fine uli no ku nshimiko bunte na ku Roma.*

Shi Lesa enga lunda amapalo Yakwe aya mushilo ku kubelenga ukwa ici ica wamisha, Icebo ca Mushilo ico tukwete ku ntanshi yesu.

Nomba, ilyo naleumfwa umuntu alelanda—atemwa alisambilishe tekale sana, kabili abomfeshe ishiwi *ishintililo*. Kabili natontonkenye, “Lilya lishiwi ilisuma nganshi; ndalyumfwa ukubomfiwa inshita ishing’i.” *Mucine cine*. Ico ekutila . . .

Nalilolekeshe mwi buku ilya kulondolwelako amashiwi, iya kwa Webster. Ukulingana na Webster, caba “icapwililika mucine ceka; ico amaka yaciko tayapwa; ica kubalilapo, icintu icakulekelesha.” Kabili icintu *icakulekelesha* caba ni “ameni”; epela fye. *Ishintililo*, caba—caba “ukukana pwa mu maka,” ishiwi *ishintililo*. Caba—caba icapwililika mucine ceka. Efyo caba cena; cilya ecilecilangisha. Kabili natontonkenye, “Cilya cintu icabukata; lilya lishiwi ilisuma.”

Kabili nomba, *icebo* caba “itontonkanyo ukulangishiwa.” Intanshi, lilingile ukuba itontonkanyo, elyo kabili lilesa mukuba icebo; pantu tamulanda ifyebo fyenu ukwabula itontonkanyo.

Ilyo tulanda mundimi tatukwata itontonkanyo; ni Lesa ukusenda amatontonkanyo; caba matontonkanyo yakwa Lesa ukubomfya imilomo yesu. Tatutontonkanya atemwa ukwishiba ifyo ulesosa ilyo lelandila mundimi, nga cakutula kulanda ukwaputwamo. Ilyo wailula tawishiba ico ulesosa; ucisosa fye, epela fye. Mwamona? Ulya ni Lesa. Kabili ukusesema, tamubomfya amatontonkanyo yenu mwebene; ni Lesa, pantu mulesosa ifintu ifyo mubutuntulu teti mutontonkanyo ukusosapo. Mwamona?

Lelo ishiwi *ishintililo* e cintu cakulekelesha; kabili e mulandu wine, ndetontonkanya umuntu onse alingile ukukwata icintu ica kulekelesha. Kabili no mulimo onse

ukalamba uwatalile ukucitwapo, kwaliko ishintililo kunuma wabuko. Te mulandu ifyo wali, walikwete ishintililo kunuma yabuko. Kabili umuntu onse pakutila e nga bomba icintu cimo alingile intansi ukukwata ishintililo. Kabili cilya e cintu ca kulekelesha kunuma ukupitila muli *ici*, *cilya*, ukubwekela ukupitila *muli cimbi*, mpaka waisa kuli lilye shintililo, atemwa “ameni,” atemwa cakulekelesha pa fyo waba...Naukwata icintu cimo ukolingile ukukakwako, mu mashiwi yambi. E cintu icakulekelesha uko fyonse fikakilwa, ku mulimo uuli onse. Cilaba kumo; kuti limbi capitila mu fintu ifingi ifyalekana lekana, mpaka caya fika kuli cilye cintu icakukakilwako; lelo kwalibako “ameni” kuli conse fye. Kulingile kwabako icintu ica musango yu. Te kuti mutwalilile ukwikala mu bumi ukwabula ukukwata cimo.

Imwe—ilyo mwaupile, kwaishile tendeka icintu cimo kunuma ya mano yenu, mpaka mwaishile fika pali cilye cintu icakukakilwako. Kabili cilingile cali icitemwiko ku mukashi wenu atemwa ku mulume wenu. Cisuma, nalimo tabo wayemba ngo mukashi wakwa Yohane; atemwa ena cisuma—ena taba—*ici*, *cilya*, lelo kwalibako icintu cimo palwa ena ico imwe—cila mwikata. Imwe—imwe—mutila, “Teti limbi abe uwayemba nga umbi,” atemwa, “tekuti abe umusuma nga ulya umbi”; lelo kulingile kwaba ishintililo palya ilyo ililanga ukuibela kwa ulyo muntu. Kabili palya epo mwikatilila. Kabili cilya nga tacilipo, tamulingile ukupa, cilye cintu ica kukakilwapo, lilye shintililo.

Kuti twa tontonkanya abengi abo abakwete ifya ku shintililapo muli Baibele. Owe, ifyo twinga senda ukupituluka mu mulongo wa ilya Baibele, no kwikala fye muno imilungu ibili ukufuma nomba, kabili ukwabula ukufika na pa mulu, nga kuti twa tontonkanya pa fya ku shintililapo muli Baibele. Nge fi, lekeni mbulepo cimo atemwa fibili, ukulondololako fye panono.

Lolekesheni kuli Yobo. Nomba, alikwete Ishintililo. Ifintu fyonse fyalilubene kuli ulya muntu, umuntu wakaele. Nomba, tekuti tusose ukutila tali uwakaele, pantu Lesa atile efyo ali. Takwali nangu umo pe sonde uwali nga Yobo. Ali uwa pwililika mu cinso cakwa Lesa; kabili alicishibe, pantu alikwete Icakushintililapo; alikwete Ishintililo.

Ilyo fyonse fya moneke ukuba ifya ibela, amalwele yalishile, aba nankwe limbi batile, “Nomba, mona ifyo uuli, Yobo, ico cilelangisha ukutila ulabembuka; uli mucilubo.” Elyo kabili, ba Filolo (babetile ukuba bakatalalika wakwa Yobo), kabili mucifulo ica kumutalalika, tabamwene nangu cimo lelo ulubembu mu bumi bwakwe; pantu Lesa alibombele pali wene umusango Acitilemo.

Kabili abana bakwe balipaiwe; ifipe fyakwe—fyakwe fya lipile; ifyakwe—ifyakwe ifintu fyonse fyali lubene, nangu

ubumi bwakwe bwine bwali mubwafya, alikele pacishala ica mito, ukupumwa ukufuma pa mulu wa mutwe wakwe ukufika kwisamba lya nkasa shakwe ne fipute. Kabili nangu umutemwikwa wakwe, cibusa wakwe uwa wama, nyina uwabalya abana, atile, “Ulingile ukutuka Lesa no kufwa ufwe.” Lelo mu kati ka fyonse filya Yobo alikwete ishintililo!

Owe, mu nshita shamalwele nga kuti twaikakila fye fwebene kuli lilye Shintililo. Yobo alishibe ukutula alicitile ubufwayo bwakwa Yehoba, kabili alikwete icitetekelo mu fyo acitile, pantu Yehoba eco alefwaya. Nga kuti twacita fye cilya! Yehoba alefwaya icakuninika pa membu shakwe. Kabili Yobo, teku mwine eka, lelo ku bana bakwe, alicitile icakuninika, kabili ni cilya ceka ico Lesa akabile.

Owe, kuti limbi mwasosa, “Nga kuti Afwaya fye ilelo.”

Cabe cinono ukucile co, icitetekelo fye mu Cebo Cakwe. Kabili imwe—nga mwalenga Icebo Cakwe ukuba Ishintililo lyenu, kuti mwacita—ubulayo ubuli bonse ubwa Bulesa muli Baibele, kuti mwakakilako umweo wenu kuli bwena. Te mulandu ifyo amabimbi yenga lamusunka uku na kulya, mukaba aba kakililwa ifyo fine. Ishintililo lyenu.

Kabili alikatilile kuli Lyena, kabili lintu bakatalalika bakwe basosele ukuti, “Walibembuka,” alishibe tabembwike. Ali uwa kaele, pantu alicitile ubufwayo bwakwa Yehoba. Kabili ilyo ena—onse. . . Umwaume alishile no kutila, “Abana bobbe na bafwa”; naumbi alishile kabili atile, “Ngamali shobe shonse nashipya, kabili kwaishile umulilo ukufuma ku mulu. . .”

Moneni ukutalikisha uko bakacusha bakwe bakwete, “Mulemona? Umulilo wafumine ku mulu. Nomba, Yobo, ico cileshininkisha. . .”

“Tacileshininkisha nangu cimo!”

“Nomba, Ena nga tapumine abana bobbe, Yobo; uuli muntu wakaele.”

Lelo Yobo atile, “Ninjishiba ni ncita ifyalungama.” Alitwalilile ukwikatilila; alikwete icintu cimo ico enge kalamo. Ico eco. Alicisumine; alicitile fye filya fine fye ifyo Lesa amwebele; kabili ali uwa shinikisha icine cine. Cisuma!

Elyo, lintu afikile pa cifulo ilyo lilye Shintililo lyaikete, lyena mukulekelesha atendeke ukumfwa intambo ukulakakwa iyo iyali iyakakulwa, ukulatenshiwa. Lelo ya tendeke ukulakaka, kabili Umupashi waishile pali ena; kabili aliminine, ukuba kasesema, kabili atile, “Nalishiba Kalubula wandi wa mweo!” Ameni! Mwamona? Alikakilwe kwi Shintililo lyakwe; aishile kumana na lyo. Alishibe ukutula alicitile cilya icali icalungama, kabili ubushiku bumbi aishile ikatilila kuli Lyena. “Nalishiba Kalubula wandi wa mweo,

kabili pa nshiku sha kulekelesha Akeminina pali li sonde. Nangu panuma imyambo isha mu munofu shaonaula uyu mubili, lelo mu mubili wandi nka mumona Lesa.” Alishibe lyena; elyo Ishintililo lyakwe lya likatilile.

Abraham, ishintililo, ukwisa ukufuma ku Babylon, ukufuma ku lupungu, kabili i—ukuya mulya mu Shinar, kabili mu kati mulya uko balekala pamo na ba wishi, kabili nalimo ali umulimi. Lelo ubushiku bumo, mulya mukati ka mpanga ku ncende imo nalimo ukulasaba malubeni, atemwa—atemwa aile mu kwipaya inama ku kukwatako munani wakwe, kabili ku ncende imo mukati mulya, Lesa alandile kuli wene lintu ali ne myaka amakumi cinelubali na isano iya kufyalwa.

Kabili ali—ena no mukashi wakwe, Sara, ena pakuba imyaka amakumi mutanda na isano takwete umwana—takwete umwana, tabakwete umwana nangu umo. Elyo, Lesa alimwebele, “Uli no kukwato mwana ukupitila muli Sara. Lelo pakuti ici cinga citika, ulingile ukuipatula we mwine.”

Amabulayo yakwa Lesa yabela lyonse pafya kucita fimo. Mulingile mucine cine...Te mulandu ifyo mwaba abalungamka ku bulayo, yalikwatapo lyonse ifya kucita. Ifyo twinge minina pano no kupita mulya mu Malembo, kunuma na kuntanshi, pa nsa, mwamona, cilye cakucitapo e cipilibula icintu cimo. Kuti mwaba fye aba lungmaa nge fyo mulefwaya ukuba, leloabela pafya kucitapo pa bulayo, ukulingilwa libela, na fimbipo.

Moneni! Nomba Abraham, alitetekele Lesa, kabili calingilwe kuli wene ubulungami. Nomba, ifyo ca—ifyo cingaba icintu icabipa uku kumanya isonde ilya—ilya buyantanshi, umwaume ne myaka iya kufyalwa cinelubali na isano pamo no mwanakashi uuli na makumi mutanda na isano, (kabili baikele pamo ukutula ilyo bali mu cupo aba caice, pantu ali ni nkashi yakwe mulupwa) kabili nomba ukukwata umwana muli ena. Lelo alikwete Ishintililo. Takwali nangu cimo ica kumusesha.

Kabili ilyo, umweshi uwa kubalilapo tacacitike, Ishintililo lyakwe lya likatilile, pantu alishibe alilandile kuli Lesa. Umweshi wa cibili, umwaka uwa cibili, imyaka ikumi, kabili panuma ya myaka amakumi yabili na isano, ilyo ali no mwanda na Sara ali na makumi pabula, Ishintililo lyakwe na lyo line lya likatilile.

Kabili Baibele yatila, lintu ilyashi lya bumi bwakwe lya lembelwe, atile, “Abraham tatenshiwe ku bulayo bwa kwa Lesa ukupitila mukukana cetekela, lelo ali uwakosa, ukupela amalumbo kuli Lesa.” Cinshi? Bushe mwalitala uku tontonkanyapo cinshi? Ali mucine, uwashininkisha, kabili cintu fye ceka ico ali no kucita cali ukuipatula umwine ukufuma ku bantu bakwe. Kabili Lesa tatalile ukumupala mpaka ilyo

acicitile. Alisendele ba wishi; ba wishi balifwile. Alisendele Loti; kabili ilyo—panuma ilyo Loti aipatwile ukufuma kuli Abraham, lyena Lesa alishile kuli wene, atile, “Nomba, enda mukati ka mpanga.” Ukunakila, ubulayo ne fya kucitapo, lyonse efyo caba kuli Lesa, ne Cebo Cakwe.

Nomba, lolekesheni pa... Katusende Mose. Mose, u—umubomfi kasesema uwabutwike, uo Lesa akushishe no ku musambilisha mwi sano lyakwa Farao, kabili—kabili Mose alile no kusambilishiwa kwakwe ukwa fya Bulesa kabili ali—umuntu wantanshi, alipeye. Elyo ukulufyanya ukwakubalilapo kwalishile, elyo Mose alikwete umwensana sana. Cinshi? Takwete Ishintililo; ena akwete fye ubunte bwakwe—bwakwe ukubulangisha kuli ba nyina palwa kufyalwa kwakwe.

Ali umwana uwaibela; alikwete icebo caba nyina pali cena. Alikwete imifungilo iyo Lesa akwete (nalimo mwi pepala ku cifulo cimo balilembele, no kufilongela ca pamo)—ukutila Lesa alino kutandalila abana Bakwe. Alishibe ukutila ilya eyali e nshita, nge fyo twaishiba nomba. Twalishiba icintu cimo cili no kucitika.

Nomba, Mose alishibe ilya eyali e nshita, kabili alishibe ukutila alisalilwe kuli cena; lelo takwete Ishintililo. Mwamona? Kabili ubushiku bumo kunuma ya ncende ya ciswebebe, lintu alufishe icimonwa, Lesa amonekele kuli wene mu cimpusa icaleyaka kabili atile, “Mose, Nimona ukucula kwa bantu bandi; Ning’umfwa ukuteta kwabo no kulila ukwabalya bakasonkesha ababa cusha; kabili Ninjibukisha amabulayo Yandi. Ninjika ku kubalubula; nomba, kabiye kulya ku Egypt.” Owe, mwe!

Atile—Mose ukuilishanya, atile, “nshilanda bwino; ukulubula kwandi—kwandi takuli bwino sana; tabakancetekele!”

Atile, “Ni cinshi icili mu kuboko kobe?”

Atile, “Ni nkonto!”

Atile, “Iponye panshi!” Yapilibukile mu nsoka. Atile, “Imye ku mucila!” Yaishile bwekela nakabili ku nkonto. Alemupela icishininkisho, icakushininkishishako. Ilyo Lesa apela Ishintililo, Alapela Icishininkisho kuli lilye Shintililo, lyonse.

Elyo, Mose, ilyo ali mukati mulya, kabili aliposele inkonto yakwe panshi ku cinsu caba malele na Farao (kabili abama lele baishile no kuposa inkonto shabo nabo), Mose tabutwike no kusosa, “Owe Cisuma, nalilubile, na—cali fye amalele ayacepesha aya bucenjeshi kabili nalimo nalilubile.” Lelo alishibe; ali uwashininkisha ukuti alikumenye Lesa; kabili aliminine shilili. Leken tusose ukutila alicitile filya fine Lesa amwebele ukucita; eico na Yobo acitile filya fine ifyo Lesa amwebele ukucita; Mose alikonkele amafunde Yakwe. Kanshi iminina shilili no kumona ubukata bwakwa Lesa!

Mose alikakilwe kwi Shintililo lyakwe, umulimo wakwe, kabili aliminine shilili. Kabili ilyo acitile, insoka yakwe yaliminine insoka ishashala. Mwamona? Alikakilwe kuli lilye Shintililo. Lesa atile, “Ilyo walubula balya abana, ukesa Nshinshimuna nakabili pali ulu lupili.”

Kabili ifyo umulwani munshila ili yonse iyo enga cita akesha ukumufumyako ukufuma kuli lilye Shintililo. Lilya line ilyo batendeke ukufuma mu Egypt, baishile cingililwa mu mukoshi kuli—kuli Bemba Wakashika—impili kumbali shonse. Ukwisa ukupita mu nika kabili kulya kwali Bemba Wakashika—takwali inshila iya kubutukilamo mulya mu tupili, takwali iya kubutukilako *uku* lubali, kabili abashilika bakwa Farao baleisa *uku* lubali. Ifyo yabe ncende iyabipa ukwimininapo! Mwamona ifyo ciwa amubika mucifulo umo tamwishibe ifya kucita? Lelo ibukisheni, nga na mukakililwa kuli lilye Shintililo, cilya eco. Mose alishibe ukuti Lesa alimulaile ukuti “Ukesa nshishimuna pali ulu lupili nga wa bafumya. Kabili Nkesa mu kuboko kobe ku kubalubula no kubabika mulya muli ilye mpanga imbi.” Aikele fye naco, kabili Lesa atumine umwela uwa ku kabanga no kuputa amenshi ukufuma pe samba ya bemba, kabili baendele ukupita pa mushili uwauma. Ishintililo!

Ifyo twingaya ukupita mu Malembo: Daniel, Ishintililo lyakwe; Shadrach, Meshech, na Abedinego, Ishintililo lyabo; David, Ishintililo lyakwe. Bonse—Ishintililo!

Paulo alikwete limo nao, limo ilyo tulebelenga po. Alikwete ubwite bwa kushintilila pali Kristu, kabili lilya lyali Ishintililo lyakwe. Ulya e mulandu wine takwatile umwenso pa fyo Agrippa enga sosa. Ukwiminina palya (kabili Agrippa ali mu Yuda, nge fyo twaishiba)—kabili eico ilyo—ilyo aiminine kuntanshi ya ishi mfumu ne fintu, Lesa alimwebele kale ukuti alino kwiminina palya. Eico alikwete Ishintililo, eico abebele fye filya fine icimonwa ca ku mulu cali. Atile, “Nshili u...nshali uwa munkanya kuli cena. Nali—nsha cisushishe; nshacitile ifishawama ne mwine.” Lelo aliikatilile kabili tali uwa kukana nakila; alicisendele na pa kashita aka kulekelesha, pantu cali Ishintililo. Kabili ubumi ubuli bonse ubwa mikalile iyakwa Kristu, lilya e Shintililo lyenu.

Nomba, ukutula ilyo Amukumenye icinso ne cinso pa musebo uwa ku Damaseke, cilya calipilibwile ifintu ifingi kuli Paulo. Nomba ibukisheni ali ni kasambilila kale; ali muntu uwapulamo mu Malembo, lelo takwete ukwakukakililwa kamo Sanihadren iyo iyali no kumwafwilisha, kabili—kabili Diploma ukufuma kuli—kuli kafundisha umukalamba. Ali muntu umukalamba mu mulimo wakwe, lelo ale tenshiwa. Icintu fye ceka ico akwete, ishintililo lyakwe lyali no kuba fye ilya kosa nge fyo akabungwe kakwe kali; palya epo akosele

fye. Kabili alebomba uwa cishinka kuli cilya, kabili alesenda Abenakristu no kubakaka, kabili no kulabacusha, kabili apolele amabwe na Stefano.

Ndetontonkanya panuma mu bumi bwakwe, umulandu ailile ku Yerusalemu, lintu kasesema amwebele, “Wiyako kulya, Paulo, pantu iminyololo ne cifungo filekulolela,” . . .

Kabili Paulo atile, “Ni ncishiba; lelo nshileya fye ku Yerusalemu nge nte, lelo ndeya kulya; kabili ndi uwaiteyanya ku kufwa pa mulandu wakwa Yesu Kristu,” pantu alishibe ifyo acitile, kabili ukukabila kwakwe kwali ukukakatika ubunte bwakwe no mulopa wakwe umwine—ukufwa mukwipaiwa, pantu alipeye umu uwabaipaiwa bakwa Lesa.

Kabili nomba, ali mu nshila yakwe ukuya ku Damaseke na masambililo yakwe yonse (aikele kuli ulya kafundisha umu kalamba, Gamaliel, kabili ifyo ali uwa sambilishiwa muli bukapepa bonse ubwa ci Yuda) kabili lelo na fyonse filya, ali uwa naka, kabili takwete amano ukucite fintu fimo. Kabili mukupumikishiwa fye, kwaliko Ulubuuto, kabili icongo, nalimo, kabili icibulumo, kabili alipuminwe, kabili aponene panshi. Kabili ena—ilyo aloleshe mu mulu, kwali Ulubuuto ulwabalike ulo lwapofwishe amenso yakwe. Kabili ifyo cali icintu icaibela!

Tapali nangu umu uwashala uwa mwene Ulubuuto, kamo fye Sauli. Cali ica—icintu icituntulu kuli wene, mpaka Capofwishe amenso yakwe; alifililwe ukulolesha, alipofushiwe umupwilapo nailye Ntumba ya Mulilo ukumoca ena mu cinso fye cakwe. Kabili alyumfwile Ishiwi lilesosa ukuti, “Sauli, Sauli, cinshi ulencushisha Ine?”

Atile, “Shikulu, Nimwe Ani?”

Atile, “Nine Yesu; kabili cili icakosa kuli iwe ku kupanta kuli ifi ifilasa. Ima nomba, kabili kabiye mu Damaseke; kabili kulya kuli no kutumwa umu kuli iwe.”

Elyo, ilyo aimine ukufuma palya (kabili kulya kwali umu, kasesema, mukati ka musumba amwene icimonwa, lintu alepepa, kabili alishile), Ananiya alishile no kwisa kuli Sauli, abikile indupi shakwe pali wene, kabili alyundepwe ku kundapwa kwa Bulesa. Alimine lyena, alibatishiwe, ukusambe membu shakwe, ukwita pe Shina lyakwa Shikulu; elyo kabili aishile kwata Ishintililo. Tali mu musango umu wine panuma ya cilya. Aile fye ukuya fye ku lukuta no lukuta, ukufuma ku ncende imo ukuya ku ncende imbi, ukweshwa ukukula cilya ico aeseshe ukonaula.

Ifyo inko, ifyo isonde lya Bwinakristu muno lucelo lilekabilwa lilye Shintililo ilya ulyo musango. Balya abasende fisumino ne ntambi balyesha uku—pamo ne sambilisho lya muntu, ukufumyapo Icebo cakwa Lesa ukuba cimo cine mailo,



ilelo, no muyayaya. Bakabila Ishintililo, ukwishiba ukwa ku kumana pa musebo uwa ku Damaseke, Lesa uwa Mweo Uyo uwinga posha abalwele, no kubusha abafwa, no kutamfya ifiwa—Ishintililo iline line.

Paulo alishibe ukuti icintu cimo calicitike; takwali nangu umo uwinga cifumya kuli wene. Fimbi ifyashala tafyali nangu cimo; alikakilwe, kabili cilya cali eco. Te mulandu icaishile, alishibe alikakilwe—ubumi ubwashintilila pali Kristu! Owe, ubumi ubo aishile ikala bwali ubumi ubwa pusana.

Nomba ibukisheni, ali umuntu uwa bukapepa. Kabili kuli imwe mwe bantu muno lucelo (kabili ninjishiba namwishiba ukuti ii tepu ilepangwa, ikalishiwa mu nko shonse pe samba lya mu myulu, nalimo, ukushinguluke sonde); kabili mwe bamo mwe bantu mwe bali muno, mwe balipo; kabili imwe bamo kunse uko uko ama tepu yakalalishiwa mu nko shimbi kuli kelula (ukuyapela ku mitundu iya mu Africa, kulya ku ma Hottentots, kabili—kabili mu—ukushinguluka monse); kabili kuli imwe intungulushi sha bukapepa mwe bakwata fye amasambililo aya Baibele (na mu cikwata ukufuma mukumfwa mwi lyashi ilya kale kabili nalimo kuti mwalondolola ifi fintu fyonse); lelo, nga tamukwete Ishintililo, ta mukwete u—ukwishiba (kabili nga kulya kwishiba uko—uko musosa ukuti namukwata kulamilenga ukukana Icebo icili conse ica ici ukukanaba fye ica cine ku lukuta ilelo nge fyo Catalile ukuba), kabili mulesubila muli Bachelor uwa Art degree wenu, atemwa conse ico mwinga kwata; nga mulesubila pa matontonkanyo ya kabungwe kenu (ako akenga sosa, “Inshiku sha fisungusho shalipita, kabili tatwakwata ukundapwa kwa bulesa; kabili no lubatisho lwa Mupashi wa Mushilo nge fyo bapokelele pa bushiku bwa Pentecost tabwaba ku bantu ilelo”); nga cakutula ico fye ceka eco wakwata, munyinane umusuma, nkashi, ulekabila ukwishiba kwa pa musebo wa ku Damaseke!

Mulekabila uku kumanya uyu Lesa uwa Mweo uko mwe—te tontonkanyo fye ilya kwelenganya mu mano yenu, te fyakutinya fimo, atemwa ifintu fimo ifyapala nge fya kumfwa umfwa, lelo ukusambilishiwa no kwishiba kwa cintu icine cine icituntulu... Yesu umo wine uwaendele mu Galili ali uwa mweo ilelo kabili wa mweo umuyayaya, kabili Aba cimo cine mailo, ilelo, no muyayaya—Ishintililo, icakutula tamulingile ukusenda ico umuntu onse asosele, mwalishiba mwebene, te fya kumfwa umfwa fimo.

Kabili nge ifya kumfwa umfwa ifyo mwakwetepo—kabili ngo umuntu umo (limbi kuti cali imyumfwile imo iya cine iya Baibele)—kabili umuntu umo alyeseshe ukucilondolola ukucifumya kuli imwe, ukusoso kuti filya fintu fyali mu bushiku bumbi, cenjeleni! Ca cine, cenjeleni! Lelo kwaliba nshila iya kwishibilako. Cesheni ku Cebo; cilya e Calengwa!

Nga cakuti ing'anda yakulwa ukupusana nge fyo yalengwa, kakula ali no kuibongosola no kuikula cipya cipya. Lelo ilingile ukubwelela kufyo yalengelwe.

Te mulandu ifyo ukwishiba kwenu kuli kanshi; nge cintu cimo muli imwe cilemweba ukutila ilya Baibele tayabe iya cine, yalya amaka yakwa Lesa, abatumwa, bakasesema, naba kasambilisha, na bacemi, kabili ifya bupe fya Mupashi tafyaba cimo cine nge fyo Wali ilyo waendele muli balya abatumwa ba Pentecost, kuliko icintu cimo icalubana kwi shintililo lyenu; cilingilwe ukukakwa ku cisumino ca cilonganino, mucifulo ica kuli Baibele iya kwa Lesa, ilyo Asosele, “Fyonse imyulu ne sonde fikapita, lelo Icebo Candi tacakafilwe.”

Lolesheni ifyo ishintililo lyenu lili. Limbi kuti mwaba aba shininkisha ukuti muli mwisenge ilisuma na pastor; kabili limbi muli aba shininkisha icine cine ukuti muli mwisenge na district presbyter; kabili limbi kuti mwaba aba shininkisha icine cine ukuti muli mwisenge naba bishop, atemwa umuntu umo umukalamba mu chalici yenu; lelo nga tamuli ifyo—Ishintililo lyenu tali ni Yesu Kristu. . . “Pantu pali ici cilibwe Nkabika Ishintililo Lyandi, kabili ne mpongolo sha kumbo tashaka Lwanshe”—ubusokololo ubwa bu mupashi ubwa ifyo Ena Aba kabili ukwishiba. Cisuma!

Owe, nomba, nga mwaba nga Paulo, mukakwata Ishintililo limo line nge lyo akwete. . . Ubumi ubwashintilila pali Kristu bumi ubwa pusana kuli bulya ubo mwakwete kale; kabili kuti limbi bwabo bumi bwa bukapepa sana ubo mwikalala.

Owe, nalyumfwa abantu basosa ukuti, “Nomba, niba kapepa sana.” Cilya tacakwatapo nangu cimo ica kucita na cena! Nalimona bukapepa ubwingi, abaipelesha, inshita ishingiri aba bufumacumi nganshi ukucila abantu abailumbula ilelo ukuba Abenakristu.

Ilyo na cifyashi asenda akanya kakwe akanono, akaina akafita (akalepa nge *fi*) no kukaposela mukanwa ka nq'wena, ku citemwiko ca mulungu wakwe, ndesunguka ifyo Bwinakristu bwa bufumacumi bwaba. Ilyo muntu enga iicusha umwine mu musango uwakutila, kuti abika utumalobo ikana ukupulinkanya mu munofu wakwe, nga filya (ukulaelela ne mipila ya menshi, uku mwikatilila panshi nge *fi*), kabili no kwenda ukupita pakati ka mulilo, ukufuma pano ukufika na kumpela iya ilya tabernacle (kunuma na kuntanshi, kabili wena uwaaka sana, na bawasha nga filya), ku cakuninika ica mulungu wakwe (icilubi palya na menso ya mipila muli cena na fimbipo), ndesunguka apo Ubwinakristu bwabela. Eico mwi tontonkanya ukuti *ubufumacumi*; ubufumacumi te co nakalya. Ubufumacumi buli fye bwino nga bwabikwa pa cintu icalungama.

Kwati ni shing'anga alepelo muti, kuti limbi amipela arsenic, mubufumacumi; kabili kuti limbi amipela sulphric acid mubufumacumi; kuti limbi mwakwata ubulondoloshi ubwa muti wenu ukukana lembwa bwino, kabili kuti limbi mwaunwa mubufumacumi, lelo cilya tacipususha ubumi bwenu. Mwamona? Awe, mukwai! Mulingile ukwishiba ico mulecita. Kabili icili conse icapusana ku Cebo cakwa Lesa, nshilesakama ifyo cili kabili ne nshita ntali cabapo, cicili ica lubana.

Petro alibapele Ubulondoloshi ubwa muti wa Muyayaya pa bushiku bwa Pentecost. Atile, "Lapileni onse uwa muli imwe, no kubatishiwa mwi Shina lyakwa Yesu Kristu ku kulekelelwa kwa membu shenu, kabili mukapokelela cabupe Mupashi wa Mushilo; pantu ubu bulondoloshi bwa muti buli kuli imwe, naku bana benu, na kuli bonse aba kutali, na bonse abo Shikulu Lesa wesu aketa." Ico cishinka! Bwena Bulondoloshi bwa Muyayaya.

Nomba, kapanga umo uwa muti ushaisiba kuti aikata cilya no kukwipaya. Mwamona? Mucine cine! Namwishiba, mulabo bwanga bumo mu Bulondoloshi bwa muti, kukwipaya kwa kashishi, kabili na—na shing'anga alishiba ubwingi ubo—ubo umubili wenu wingashangila. Nga abikamo ubwingi, kuti bwa mwipaya. Kabili nga tamukwete uwa kumwa fwilisha, lyena ni cinshi ico winga cita? Te kuti ci mucite cisuma nangu cimo ku kunwo muti. Alishiba ifyo umubili wenu winga shangila.

Nomba, ifyo e fyaba no bulondoloshi bwa muti wakwa Lesa nabo. Te mulandu ifyo umuntu umo alesosa ukuti cilingile ukucitwa *uyu* musango atemwa *ulya* musango, mwikesha ukucicetekela. Ilyo mwa konke Cebo filya fine caba, cilya eco. Ico cishinka! Ikatilileni kuli Cena.

Nomba, twalikwata a—abo abasosa ukutila mulingile ukusanswa amenshi. Balikwata balya abasosa ukuti mulingile ukubomfya ifya kulumbwilako ifya kwa Tata, Mwana, na Mupashi wa Mushilo; tamwaba ifintu ifya musango ifyo muli Baibele, tamwaba incende ya musango ifyo iyo muntu onse atalile uku batishiwa mu Baibele mu musango umbi kano mwi Shina lyakwa Yesu Kristu. Ulo lutambi ulwalundilweko mu Lukuta lwa Roman Catholic kabili lwalitwalilile ukupitila mu ntambi. (Talwa fika pali cilya mu bushiku.)

Lelo moneni, lelo mukati ka conse cilya, ubulondoloshi bwa muti eko bwaba. Uyo e mulandu wine twakwatila abana abangi abalwala, pantu tabomfwa kufyo Shing'ang alosele. Ishintililo, nga mwakakilwa kuli Cilya, ico eco; Cilya Cebo cakwa Lesa; Cena te kuti cifilwe. Ubumi ubwashintilila pali Kristu, ba kapepa sana, lelo tabwali ubumi ubwa shintilila pali Kristu; fwebengi ifwe twalikwata ico ilelo.

Kabili ilyo mwakwata ubu bumi bwashintilila pali Kristu, cilamilenga ukucite fintu ifyo teti mucite mu buntunse.

Cilamilenga ukucite fintu ifyaibela ukucila ifyo wingacita mu buntunse. Nshilepilibula ukucite fintu ifya tumpa; ndepilibula ukwendela mu Mupashi, icintu cimo icili icituntulu, icintu cimo icili ica cine cine. Kabili ilyo mwamona umuntu umo alecita ifintu mukutumpa, muleshiba bakwete fye cintu cimbi. Baleesha fye ukupashanya ifyo cilye cintu ica cine cine cili.

Ilyo mwamona dollar iya bufi, ibukisheni kuliko dollar isuma uko ya pangilweko. Mwamona? Ilyo mwamona iya bufi, cili mucine cine icinshingwa ica cintu cimo icituntulu; cena cintu cimo icili—icili ica cine cine uko cikopelweko.

Moneni, cilamilenga imwe ukucite cintu ico imwe teti mucite mu buntunse. Owe, cena—cena cintu cimo. . . Muli aba shininkisha, mulaba aba shininkisha nganshi pali cena ilyo mwakwata ili Shintililo; muli aba shininkisha pali cena. Tamusenda ifyo—ukwishiba kwa muntu umbi kwaba. Uyo e mulandu Ubwinakristu bwabela ngo twana utunono muli Baibele kabili te (njeleleniko)—utwana utunono musukulu. Balesha ukukopelana umo no mubiye; kabili nga ulya umulumendo naluba, ifintu fyonse filalubana. Mwamona? Mukwete ibumba lyonse ilya bena ilya lubana. Owe, mwe, mwikopa; Mukumanyeni mwebene.

Umunandi umusuma, uwiminine kunuma kuno ena wa kale—ena mwana wa munandi, cibusa wa kale sana, Jim Poole umunono. Cisuma, ba wishi naine twali—kulile capamo mu sukulu, kabili owe, ifyo ali umulumendo umusuma. Jim umunono na ine tulapepa lyonse ukutila Jim mukalamba akeseba Umwinakristu, uwacetekela uwa cine. Kabili Jim umunono naine twalelanda mailo palwa uko twasangile Lesa mu mitengo no ku Mumona mufya cifyalilwa. Kulya eko mwinga musanga Ena, pantu Ena ni Kalenga, kabili Aba mu fyalengwa Fyakwe.

Kabili ndeibukisha, Jim na ine twaletemwa ukuya—ukuya—kufya kuya mukulunga. Kabili nshita ya bushiku nga yafika, cisuma, twaleya kwisamba, twalesenda inchinga shesu, no kucofa fye ukuya fye muli uyu musebo muno (twalekwata umwenso sana ukupitila mu nshishi panuma nga kwafita), kabili twaleya kwisamba, no ku yaishitila ice cream cone.

Kabili Jim alitemenwe ubwangalo bwa tumipila. Nomba, twali fye abalumendo aba myaka ikumi, ikumi na ibili, ikumi na ine iya kufyalwa. Elyo kabili, Jim atemenwe ukwikala panshi no kulabelenga ama lyashi palwa kulunga no kuteya ifiliba. Kabili kuti naikala panshi no kulaelenganya (mwamona?) palwa. . . Kabili nomba, bamo abalumendo kuti bamona. Kabili kuti bamona akasaka akanono pa ncende imo, kabili naletemwa ukusosa, “Mune, kalya kuti kaba akasaka akasuma akakukwata mu mpili.” Kabili ine lyonse nalelota

ukuti ubushiku bumo nkakwata akasaka mu mpili, ne bumba ilikulu ilya mbwa isha kulungilako, kabili—kabili ne mfuti shimo. Lyonse naletontonkanya, “Nga kuti nakwata 30-30 inshita yandi imo. . .” Natontonkenye, musango nshi mu calo ninga kwatilamo imfuti inono iya 30-30?” Kabili ubushiku bumbi, naliminine nalelekesha pa cibumba candi, kabili nalemona imfuti shimo ishisuma sana isho ninga kwata, natontonkenye, “Inkumbu Ishakupapusha!” Natontonkenye, “Ndino kuisambilisha ne mwine ukulasa, kabili ukulalasa bwino. Elyo kabili, nalimo inshita imo ukukwata—ukusendo bulendo ukuya mu mpili, umu lunshi umu umusuma akaya na ine ukuba fye kwati u ( pantu kuti atemwa ukucingilila ubumi bwakwe nalimo kuli cibuli uleleta ubwafya; tali uwa shininkisha nganshi, umuntu umu uwa cuma)—kuti antwala, ukuya fye pamo nankwe, akabe fye kwati uwa kucingilila. Nalimo ubushiku bumo nkaya mu kulunga mu Africa ngo wa ku cingilila. Nga kuti na sambilila fye. Cilya e cintu fye ceka ninga cita kusambilila ukubo musuma, uwa ishibisha ukulasa. “Owe,” kabili natontonkenye, “Mwe Lesa, citontonkanyeni po, Mwalinsuminisha ine ukulunga mwi sonde lyonse. Ifyo cabe cintu icisuma!”

Jim atemenwe ukwikala no kubelenga ibuku.

Kabili natile, “Jim. . .”

Atile, “Na—na—nalitemwa ukubelenga pali cena.”

Natile, “Jim, ifyo fintu ifyo umuntu umu acitile; ndefwaya ukucicita ne mwine; ndefwaya ukwishiba!” Ilyo naishile kuli Kristu tekuti nsende ukwishiba kwa muntu umbi; nalekufwaya ne mwine.

Ndeibukisha lintu nabelengele palwa kwa *Lone Star Ranger* muli Zane Grey’s. Naonawile fibili atemwa fitatu ifyeswa fya ba Mayo, ukulaensha ukushinguluku ing’anda ukulatoloka, lintu nali pali ili horse lya kwangalilapo lya ceswa. Na—nalibelengele lilye lyashi ilya kwa—ilya kwa long star ranger, kabili nefyo aletele ubupingushi ku Big Bend.

Elyo nalibelengele ibuku lyakwa Edger Rice Burrogh’s pe lyashi ilya kwelenganya ilyakwa *Tarzan nama Apes*. Ba Mayo balikwete insalu iyakale iya mafufu, insalu iya mpapa iya seal atemwa icintu cimo ico ba Muka Wathen ba bapele ukufumya ku mulilo. Kabili ya lyanshikwe mu cipinda cabo, kabili ine—ine—nalifumishemo ilye nsalu. (Ba Mayo balishibe ukutila icipupu tecaifumishepo.) Kabili naliisendele panse, no kuitputula, kabili naliipangile suti yakwa Tarzan, kabili nalile ukwikala mu cimuti. Na—naposele citika wa nshita yandi mu cimuti, mulya muli suti yakwa Tarzan. Pantu nalimwene ifyo acitile, nalefwaya ukucita na ine.

Lelo ubushiku bumo ku nkumbu shakwa Lesa nalikatilile kwi Buku ilya cine, Baibele. Ulwimbo lwandi ne lyashi fyaba:

“Ukuba nga Yesu; pe sonde ndekabila ukuba nga Ena.” Nshilefwaya ukuba bishop, atemwa—atemwa umuntu umo umukalamba mu lukuta, papa umo, atemwa shimapapo umo. Ndefwaya ukuba nga Yesu.

Ishintililo, cilamilenga imwe ukuba abaibela. Kwalibako icintu cimo palwa cena ku kubelenga Icebo Cakwe kabili. . . Icintu cimo mu mutima wenu mulakabila ukuba nga Ena. Muli abashininkisha. . . Caba kwati. . .

Ishintililo kuli Kristu—Ishintililo ku Mwinakristu ulya aba kwati ni. . . Cena—caba kwati ni nanga mu cibwato. Ee, imwe—imwe mulingile ukukwata ishintililo. Kabili nga Kristu e Shintililo lyenu, caba kwati nanga iyo lintu imwe. . . Bemba abo uwakalabana sana, kabili ne cibwato cili mupepi no kwibila, kabili imwe—isubilo fye limo ilyo mukwete kuposa ilye nanga. Elyo kabili, nge cibwato cilesunkana (mwamona?), nga—inanga ili no kwikatilila icibwato. Namwishiba, twalikwato ulwimbo (nindaba ishina lya waimbile nomba, lelo. . .): *Inanga Yandi Naikata*.

Kwati ka mulumendo akanono (nge fyo inshita ishingi tu tontonkanya) akalepupusha kite, te kuti mumone nangu cimo, lelo alikwete intambo. Kabili umuntu alipitile mu pepi kabili atile, “Cinshi ico ulecita, we Mwana?”

Atile, “Nde pupusha kite yandi.”

Atile, “Cinshi ico ukwete mu kuboko kobe?”

Atile, “Ni ntambo!”

Atile, “Nga kite ilikwi?” Atile, “Nshileimona. Cisuma, nga wishibe shani ukutula ulepupusha kite?”

Atile, “Kuti nayumfwa; iletinta.” Mwamona? Kumpela ya ilya intambo kwaliko ishintililo. Mu nshila yakwe inono, ulya kite ali shintililo lyakwe, e ico alisosele ukuti alepupusha kite; nangula taleimona, lelo alikatilile icintu cimo ico ica iikatilile yena! Uyo e musango umuntu, lintu afyalwa libili ku Mupashi wa Mushilo, alekatilila Icintu cimo ico icakwata inanga kulya lubali; kabili amabimbi taya mutensha. Alishiba alifye bwino; alikashiwa. Cisuma!

Nomba, nga tuli mu kacikwa kesu akanono, ukwelela pakati ka nshila ya bumi. . . Nge fyo uwamishikakulo umukalamba asosele ukuti:

Ubumi tabwaba iciloto icafye!

Kabili umweo untu wafwa uponena mutulo,

Kabili ifintu tafyaba nge fyo filingile ukuba.

Ubumi cintu icituntulu! Kabili ubumi epo bwaba!

Kabili inshinshi yakwe te mpela ya buko;

“Pantu uli ulukungu, ku lukungu eko ukabwekela,”

Tacalandilwe pa mweo.

Owe, ndetontonkanya ico cisuma nganshi. Nomba, Longfellow ewalembela lilye *Lumbo Iya Bumi*. Mwamona?

Ilyo tuleoba mu bumi ubukankala pakati ka  
nshila ya bumi ubwa bukapepa,  
Ku uushela eka kabili munyina uwaonaika,  
Mukumona, akabwela nakabili. (Mwamona?)

Nomba, tuli mukuya, ukoba mu bumi ubu kankala ubwa bukapepa; kabili Kristu, ku cibwato ku mabimbi aya nshita. . . Lintu amabimbi yafula kabili yalepalamina mu pepi, ndi uwa nsasa ninkwata Inanga iikatilila mukati ka cipembe kulya, ku ncende imo; nangu ni mwa ine tekuti imufumye kuli Cena. Muli abakakwa kwi Shintililo lyenu.

Kristu e Nanga yesu. Ena cinshi? Ena e Cebo.

*Mukutendeka mwali Icebo, kabili Icebo cali pamo na  
Lesa, kabili Cebo ali ni Lesa.*

*Kabili Cebo alishilebo buntunse, no kwikala muli  
ifwe. . .*

Lyena ilyo twaishiba ukuti imicitile yesu fyalingana fye ne Cebo, twalishiba amasambilisho yesu yantu yapwililika ne Cebo (ukwabulo kulundako nangu cimo atemwa kufumyako icintu cimo, Icebo fye ceka); kabili tulamona ifintu fimo fine (ifyo bambi abaikashiwe ku Cebo cimo cine) ukwikala mu bumi bwesu, lyena inanga yenu ilekatililila. Ubumi bwa kwa Kristu ukuletwa nakabili ukulingana nge fyo wali muli ulyo mubili ukupitila muli imwe nge fyo wali muli Kristu, pantu cali ni Lesa muli Kristu ukuleta isonde ku Mwine. . . Kabili mulamoma Lesa muli imwe mwebene ukwikatilila ulyo musango umo wine uwa Cebo, filya fine fye ifyo Yesu acitile, kabili mulamona Ubumi Bwakwe. . .

“Imilimo iyo ncita na imwe mukacita. Uyo uwacetekela (te ulya *uitunga ukucetekela*, ulya *utontonkanya ukuti alicetekela*, lelo uyo uwacetekela)—uyo uwacetekela pali Ine, imilimo iyo ncita nao akacita.” Cinshi? Ali kashiwa ku Cilibwe cimo cine. Icilibwe cali ni cinshi? Icebo, lyonse! Muli abaikashiwa mulya.

Cena Lutanda lwenu ulwa ku Kapinda ka kulyo ilyo mwaluba pali bamba. Namwishiba twalikwata intanda ishing, lelo kwaba fye ulutanda lumu ulwa cine, kabili talusela; lulya Lutanda ulwa ku Kapinda ka kulyo, pantu lwaikala pakati ke sonde. Te mulandu nangu mubele ku ncende imbi, pa mulu, konse fye uko mwingaba, lulyo Lutanda lwa ku Kapinda kakulyo luba fye cimo cine. E Lutanda lwenu ulwa ku Kapinda ka kulyo.

Nomba, mulemona? Kwaliba intanda ishisela ukufuma pa cifulo cimo ukuya pa cifulo cimbi. Lelo nga muli mu—pali bamba, cinshi, onse umuntu uwa pali bamba alishiba, atemwa umulunshi uuli onse uwenda mu mitengo, alishiba ukuti

Ulutanda lwenu ulwa ku Kapinda ka kulyo e lwenu—e ncende yenu; epela fye. Lyena, caba kwati iyenu—iyenu—compass yenu. Compass tayakasonte ku Mars, atemwa Jupiter, atemwa kucifulo cimbi; ikasonta ku Lutanda lwa ku Kapinda ka kulyo. Cinshi? Lilya e shintililo lyenu.

Owe, mwe! Moneni, ishintililo lyenu. Owe, nalasosa icintu cimo; ndecumfwa fye cileisa. Moneni! (Ndeumfwa bukapepa sana pali ino nshita, pantu ici cishininkisho.) Moneni! Compass yenu kuti ya sonta fye ku Lutanda lwa ku Kapinda ka kulyo. E ncende fye yeka inga sontako. Nga cakutilla nga ni compass iya cine ikasontelela fye ku Lutanda lwa ku Kapinda ka kulyo cila nshita. Bushe ico cishinka? Kanshi nga namukwata Mupashi wa Mushilo, Kuti wa musontelela fye ku Cebo! Tawakatale ukusontelela ku cilonganino; Tawakatale ukusontelela ku cisumino; Tawakatale ukusontelela ku ncende imo kumo; Ukamisontelela fye kulya kwine ku Cebo! (Ndeumfwa kwati kuti na punda!)

Moneni, caba—cabe cintu cimo mukati ka muntu, ukulaenda, ilyo mwamona Ulutanda lwenu nalwikala kulya lubali, Yesu Kristu, Icebo. Kabili mulemona Mupashi uuli muli imwe tawaka Cileke ukwenda ukuya ukwa kulyo nangu ukwa kuso. Ulya ewabapo Eka uwinga . . . Aishile mu kusenda ifintu fyakwa Lesa no ku filangisha, uku fishininkisha.

Kabili Yesu atile, “Akacita fye ifintu filya fine ifyo nasosa. Akasokolola kuli imwe ifintu ifyo ifileisa (ukumilangisha libela, lintu tacilafika pano, mwamona). Akasenda ifintu ifili Ifyandi no kufilangisha kuli imwe. Elyo kabili, Akamilangisha ifintu ifili no kwisa.” (Yohane 15)

Tulemona ukutilla Alalangisha ifintu; kabili Alasenda ifintu ifili ifya kwa Lesa no kufilangisha kuli imwe; kabili Akasokolola kuli imwe ifi fintu ifyo Yesu asosele. Mu mashiwi yambi, akalenga icintu ukuba pa mbilibili. (Tucibike uko lubali mu cifutu mu nshita ya bushiku, pantu ico eco twalaisa mukubomfya panuma ya kashita akanono.) Ukubo uwashininkisha, ukulenga cilya ukube cituntulu (mwamona?), lyena muleshiba nga cakuti imwe—Ulutanda lwenu ulwa ku Kapinda ka kulyo, icaba Icebo ku Mwinakristu uuli onse . . . Icili conse icapusana ne Cebo . . .

Lolekeshani! Leken i mwebe icintu cimo. Kutikeni nganshi kuli ci. Ici e kupwililika ukwa busokololo ubwa Bulesa ubwa kwa Lesa, ubufwayo Bwakwe, kabili ukwisa kwa kwa Kristu; kabili ifintu fyonse fyaba fye mukati ka ili line Buku ifya pwishishiwa. Kabili nge cintu icili conse camitinta ukumifumya kuli Cilya, poseni compass uyo, pantu caba fye icisumino; caba fye aka bu—caba fye lipepala ilyo mwabika mwitumba lyenu, ililebela mu cipinda cenu, ilya pampamikwa; cena cisumino! Mwe bantu, fwaeni Compass iimitwala ku Cebo! Ameni!



Moneni, lintu uku ukwishiba kwaikete Paulo, alile kulya mu Egypt na Arabia ku ncende imo no kuya soma imyaka itatu. Ubukata! Whew! Alingile ukuba uwashininkisha. Kabili iyo amwene, iyo Mupashi wa Mushilo wa mutungulwile icebo pa cebo, kuti alemba lilye Buku ilya ba Hebere no kulangisha balya aba Yuda. Mucine cine? Cinshi? Ali uwaputwamo; ulya Compass uwa Mupashi wa Mushilo wa mubikile fye palya pene fye pa Lutanda lwa ku Kapinda ka kulyo.

Nomba, nga namukwata icintu cimo icilemitinta ukumufumya kuli Cena, cawama mwacileka ko! Ico...?... Cikasontelela ku Cebo Cakwe kabili ku Cebo Cakwe fye ceka, pantu Umupashi wa Mushilo waishile mukulangisha atemwa ukushininkisha ubulayo bwakwa Lesa. Takwaba icisumino nangu cimo icinga cita ico; takuli akabungwe akenga cicita; takuli amaka atemwa icintu cimbi ici nga cicita, kano fye Umupashi wa Mushilo ku Cebo; kabili ena aba Akamusonga.

Nomba, buleni uluseke lwa ngano, uluseke lwa ngano ulusuma, lelo tekuti—lucite nangu cimo; lintu lwafwa mpaka akamusonga kaisa muli lwena elyo lulamesha inseke shimbi isha ngano. Kabili Kristu e bulyo Bumi, lilye Shintililo. Nga cakuti ingano tayakwata lilye Shintililo muli yena, tayakatale ukumena. Nga cakuti ilye ngano taikwete lilye Shintililo, nalimo kuti lyawama sana kunse, lelo tekuti lube no bumi, pantu tamuli nangu cimo muli lwena ku kwikalilapo no bumi. Lelo iyo lwa kwata lilye Shintililo, kuti lwalolekesha mu cinso caba kasusha bonse no kusosa ukuti, “Nkabuka nakabili.” Cinshi? Pantu nalukwata Ishintililo. Lyaba muli lwena; lulingile ukubuka nakabili.

Kabili iyo lwena... “Nga mwaikala muli Ine, kabili ne fyebo Fyandi fyaikala muli imwe, lyena lombeni ico mulefwaya.” Ilyo e lilye Shintililo. Lelo nga namukwata ifisumino na fyonse fye ifyashala ukukakilwa muli cena... Tekuti musankanye amafuta na menshi. Kuti mwayabula fye no kuya biko musango onse mulefwailamo; tafyakatale ukusankana, pantu fintu ifyapusana fibili. Kabili tekuti musankanye icisumino na Baibele, icapusana na Baibele, ukusankanya. Tekuti mulenge icilonganino na bukapepa ubwa kufyalwa ubwa buntungwa—atemwa ipusukilo ilya buntungwa ilya kufyalwa ukusankanishiwa capamo, pantu nge fyo mucine, Lesa abombela fye... Nalacisosa te mulandu.

Lesatatala ukonaula imitantikile Yakwe. Ena tekuti onaule, pantu Aba uwakwishibila libela. Kabili ndemona, namwishiba, ine—cilacilukila abantu abengi. Mwamona? Lelo Lesa tekuti onaule imitantikile Yakwe. Tekuti Acite cimo ubushiku bumo, kabili no kwisa cipilibula no kucite cintu cimbi, no kusosa ukutila Alilufyenye bulya bushiku.

Lesa tabombela mu mabumba ya bantu; Lesa abomba ku muntu umo, pantu abantu balikwata amano aya pusana; alipangwa uwa pusana mu cifyalilwa. Kabili Lesa alingile ukubula ulya muntu, no kumufulunganya, kabili no kumufumya ukufuma mu fyo mwine eka aba, mpaka Ena alamusenda mu cifyalilwa Cakwe; elyo kabili Lesa alabombela pali ulya muntu.

Lolesheni ukupita monse mu nshita, Noah na Mose, bakasesema, tabatalile ukuba babili pa nshita imo ine—umo, lyonse fye ukufuma fye kale ukupita mu nshita shonse. Eico, nga mwasoso kutila, “Mubwingi bwaba panda amano mwaliba ukucingililwa” . . . Lolekesheni kuli cena!

Nge fyo nashimikile kuno te kale sana ku tabernacle, kwaliko Ahab; kabili kwaliko Jehoshaphat. Kabili baleya kulya ku Ramonth-Gilead ukuya sunka . . . Mukucetekela bali abalungama; impanga yali iyabo. Kabili u—umulwani, abena Syria kulya lubali baleisusha amafumo ya bana babo ne ngano isho abena Israeli balingile ukulya—icipe icapelwa na Lesa. E ico mu kucetekela camoneke icisuma. “Kabiye ni na ine, no kuya kulya, kabili tuli no kubapunka ukubafumya mu mpanga.” Cisuma, cilya caumfwike bwino sana; ukucetekela cali fye bwino, lelo imicitile ya buko.

Jehoshaphat, pakubo muntu umusuma, atile, “Lelo bushe tatulingile ukwipusha Shikulu?”

Mucine, Ahab, ulya kabwelela numa, atile, “Cisuma, icine” (uwacetekela uwa pamupaka, na mwishiba). Atile, “Owe mucine cine, nga nali tontonkenye pali cilya. Nalikwata bakasesema aba ci Hebere imyanda amakumi yane—imyanda amakumi yane iya bena ndabalisha, uku basunga. E baishibisha ababapo mu calo. Tuli no kubaleta.”

Kabili bonse capamo no mutima umo batile, “Kabiye kulya; Shikulu ali na iwe.” Mu kucetekela bali abalungama, lelo tabalikwete lilye Shintililo.

Elyo lintu atile, “Bushe takuli ko naumbi umo?” . . .

Atile, “Ee, kuliko naumbi umo, lelo nali mupata.” Atile, “Ena lyonse alalanda ifibi pali ine (mwamona?), lyonse ukulasosa . . .”

Kuti asesema shani icisuma, ilyo Icebo conse . . . ? Eliya, uwaliko ilyo talabako, atile kuli Ahab, “Imbwa shikamyanga umulopa obe.” Nomba, kuti caba shani kasesema uwashininkishiwa ukusosa icintu icili conse ico icishali ubufwayo bwakwa Lesa? Kabili ifyo kutila imbwa shali no kulya Yesebele, kabili na mafi yali no kuba mu mabala, eico tekuti basose, “Uyu pano nalambalala Yesebele.” Ne citipu ica musango filya pa muntu, musango nshi umuntu umbi uwashala enga pala?

Ifyo eflyo caba ilelo. Musango nshi umuntu enga pala ifi fintu ifilefumya abantu ukubatalusha kuli Lesa nshita fye yonse? Kwaba fye icintu cimo icakucita. Nga muli no kwiminina palwenu mweka, tipeni icintu mwi Shina ilya kwa Shikulu no kwikala na cena, ilyo muli abashininkisha. . .

Kabili mwatila, “Cisuma, Munyina Branham, ulalenga abantu uku kupata.”

Lesali ali no kuntemwa. Cilya—cilya e Shintililo lyandi. Te kuti nshitolile ku kuboko kwa munofu, mulingile uku shintilila pa Cebo, ifyo Lesa asosele ukuti citeni.

Inga Mikaya aishibe shani ukuti ali uwalungama? Ali lolole; alikwete icimonwa. Nabo bene balikwete icimonwa, lelo icimonwa tacali icalingana ne Cebo. Kabili ne lelo cintu cimo cine. Mikaya alipashenye icimonwa cakwe ne Cebo, kabili alimwene ena ne Cebo pamo. Ilelo, nge cimonwa cenu cili icapusana ne Cebo, cilekeni cibe, pantu lishintililo ilya lubana. Ishintililo lyakwa Mikaya lyali ilya lingana fye ne Cebo, eico kuti aiminina no kusosa ukutula, “Ena. . .”—ico asosele kabili—kabili no ku cicetekela fye cena. Ilyo bamumine ulupi pakanwa no kutula, “Nikwi uko Mupashi wakwa Lesa waile?” Atile, “Muli no kushininkisha ilyo mwaikala mu cipinda ca mukati.” Cisuma.

Atile, “Ilyo nkabwela mu mutende. . . Bikeni uyu muntu mu kati ka cifungo, kabili ilyo nkabwela umutende,” eflyo Ahab asosele, “Nkabombela pali uyu muntu.”

“Owe nombwa, Mikaya, nga pali cena? Umutwe obe ukaputulwako ilyo akabwela!”

Mikaya aiminine palya uwashipa fye nge fyo Stefano acitile (Ameni!), uwaipesha fye nge fyo Shikulu wandi aendele pa capindama, mu nshila fye iya yanguka nge fyo Daniel aingile mu cilindi ca nkalamo, atemwa Shadrach, Meshech, Abednego baile mwilungu lya mulilo. Mucine cine. Aiminine palya no kutula, “Nga ukatala ukubwela. . .” Cinshi? Ali uwashininkisha. . . “Nga ukatala ukubwela, ninshi Lesa talandile kuli ine. Lyena ukese putulako umutwe wandi.”

Alikwete Ishintililo. Alishibe ukutula Compass yakwe, iya mutungulwile kuli ici cimonwa, yali iyalingana fye no Lutanda ulwa ku Kapinda ka kulyo. Ee, mukwai! Inanga yakwe yalikatilile. Ee, Icebo kabili Cena ceka. . .

Nga cakutula Ishintililo lyenu, ngana mukwata Ishintililo mu bumi bwenu. . .

Kwaliko inshita ilyo, namwishiba, imisango ya milile yalikwete ishintililo. Te kuti ntontonkanye ishina lya ulyo mwanakashi, lelo inko yonse ya subile mu fyo ulyo mwanakashi asosele. (Ni mulaba ishina lyakwe. Nacilalemba

pa kapepala pano; nacifilwa ukwibukisha ishina lya ulyo mwanakashi, ifyo lyali.) Lelo kuno imyaka iyapitapo iyinono balingile ukuba... Uyu mwanakashi, ifyo asosele... Nga soso kuti mulebomfya umwele mu kuboko kwa kuso, cilya cali—cilya cali eco; cilya cali ishintililo. Ena ali u—ubwasuko kuli conse. Kabili nga wabika foloko mu kuboko kwa kuso, lyena ninshi waba mucilubo icine cine. Nge shina lyakwe ali ni ani? [Ulukuta lwaasuka, “Emily Post”—Ka.] Owe, ico eco, mucine. Ee, ifyo efyo ali.

Nomba, mwali—mwali abashininkisha—kabili ena ali—ali ishintililo iya misango ya milile. Cilingile ukuba filya fine. Kwati, owe, ifintu ifingi tulafisanga nga filya fine. Lelo tulesango kuti nomba calipita. Kulya umusango mulefwailamo. Ee, mukwai! Cisuma! Ulya ewali ishintililo iya misango ya milile. Mwalingile ukucicita muli ulya wine musango.

Kwaliko inshita lintu Adolf Hitler ali ishintililo lya Germany. Icili conse ico asosele... Nga asosa, “Tolokeni!” Bale toloka; nga asosa, “Ipayeni!” Bale ipaya. Aba Yuda imintapendwa, alepukunya umutwe wakwe. Mwamona icacitike kwi shintililo ilya ulya musango? Camoneke kwati maka, lelo cali icapusana ne Cebo.

“Inga waishiba shani ukutila cali icapusana ne Cebo?”

Les a atile... Bushe tali ni Balaam uyo uwaeseshe ukulolesha pali Israeli uku batipa, atile, “Ndebamona nge nsengo ya mboo. Ifyo yalungama ama hema yobe. Onse ukakutipa akatipwa; onse ukakupala akapalwa.”

Cilemoneka kwati Hitler nga alimwene cilya. Cilemoneka kwati balya Abenakristu baku German nga balimwene cilya. Mwamona? Lilye shintililo... Mucine cine icapusana kuli cilye Cebo... Namwishiba, nge fyo casoswa, “Umuntu—Les a apangile umuntu, lelo umuntu apangile abasha”—umo kwesha ukuteka umubiye. Twalikwata Kateka umo, noyo ni Les a.

Lelo Hitler ali lishintililo lya Germany. Cimoneni ilelo. Nomba, moneni icacitike? Cali lishintililo ilya lubana. Cinshi? Cali icapusana ne Cebo! Kabili nomba, mulemona conse uko caile? Icakulenga insoni.

Kabili nge shintililo lyenu lyaba mu kabungwe kamo, atemwa muli fimo ifya kumfwa umfwa, atemwa icintu cimo icaibela kunse ka Buntu bwakwa Yesu Kristu, mukesa ku cifulo cimo cine ica nsoni, ukubipilako fye. Mwamona? Nge shintililo lyenu te Kristu, ulya E shintililo lyeka ilya bumi bwa muntu; kabili te Kristu e Cebo, te lukuta lwenu, icebo cenu, Icebo. Mwamona? “Napali ili Shitililo Nkakula Ulukuta Lwandi”—pali Kristu, Icebo.

Kwaliko nshita lintu Mussolini ali ishintililo lya Rome. Nshishibe, limbi nalibelengele ilyashi, atemwa limbi nalicibelengele mwi buku, atemwa umuntu umo alinjebile; lelo ilyo umuntu umo balemwipusha kuli Mussolini ali—ali—alefwaya ukuleta Rome mubwangalo—mu mangalo. Kabili kwalibako icimpashanya icikalamba ico icaiminine kulya pali ena palwa mangalo. Ico cishinka! Greece yalikhwete yalya amano imyaka iingi iyapitapo. Rome alyeseshe lyonse ukucikwata. Amangalo yaba fye bwino, lelo-lelo—amangalo, lelo-lelo ibukisheni, cilya tacakasende incende yakwa Kristu. Te mulandu ifyo mwaba aba kosa, cilya tacakwatapo icakucitako kuli cena. Ena e maka yonse.

Kabili mwamona ico aeseshe uku kulilapo Rome? Kabili aeseshe uku kula Rome pa cintu ica kushintililapo; ukuti ena ali lilye shintililo. Kabili batile ukuti ubushiku bumo kensha wakwe—wakwe kensha wa motoka—yakwe aishile bwangu ilyo miniti imo tailakumana, kabili alimulashile imfuti. Atile, “Nshasosele ukuti ukabe pano miniti umo ilyo naini tailakwana; natile ukabe pano pa naini!”—poo! kabili alimulashile. Mwamona? “Nshilefwaya iwe ukuba pano miniti umo ilyo tailakwana; ndefwaya iwe ukuba pano pa naini!” Mwamona? Lolekesheni ishintililo ilyo alefwaya ukuipangila umwine. Lelo mwamona icacitike?

Muleibukisha (mwebengi imwe muno, abantu aba kale, Roy Slaughter nalimo, kabili ukufuma kunuma kulya muli cilya)—ibukisheni kulya ilya nshita lintu namwebele pa busesemo? Ubushiku bumo kwisamba kulya ku cikulwa cakwa Odd Fellow, lintu tatulaisa mukuba pano, natile, “Mussolini akesa kwata impela iya kulengesha insoni.” Natile, “Inkondo yakwe iya ntanishi, akaya ku Ethiopia; kabili Ethiopia akawila pa nkasa shakwe, lelo akesaisa kumpela yakwe, kabili takwakabe uwakumwafwa; kabili munsoni emo akashikwa.” Mwamumona ulya.

Natile, “Kwabe fikomo fitatu ifishile, Nazism, fascism, na communism.” Natile “Filye fikomo fikesa pita no kwisaba muli cimo; cikaba ni communism. Moneni! Communism akoca Rome.” Mwamona? Mukacilolekeshe. Cena cabe canso mu maboko yakwa Lesa. Batontonkanya ukuti balasusha Lesa, kabili balebombela fye muli cena inshita fye yonse, tabacishiba. Alebabomfya fye nge cakwangasha, icanso cimo mu kuboko Kwakwe, nge fyo Acitile Nebuchadnezzar kabili na bambi abengi.

Nomba moneni! Mwamona? Nomba, kwaliko inshita lintu Farao ali ishintililo lya Egypt, lelo lolekesheni apo yabela ilelo. Mwamona? Conse fye califililwe. Owe, ca musango uwalubana, eico lyonse balafilwa. Bena baba ifya ku shintililako ifya pangwa no muntu. Tekuti musende ishintililo ilya pangwa no muntu, nshilesakamana nga aba ni—nikateka, nga ba

uwabuluku, nga aba ni mfumu, nga lwabo lukuta, nga kaba akabungwe, nga cabe cishilano, fyonse ifya ifi ifintu fikonaika, kwati fye ifya ku shintililako fyonse ifya ulya musango ukupita mu nshita.

Kuti twalolekesha kunuma...Ukulolekesha kunuma! Lolekesheni ku muntu uwasubile mu mfumu shikalamba; lolekesheni ku bantu abasubile muli bakateka ba buluku; lolekesheni ku bantu aba kulile isubilo lyabo pafya kushintilila ifya musango ulya; *kabili lolekesheni kuntu baba ilelo!*

Nomba, lekeni tupilibuke kunuma no kulolekesha ku bantu aba bikile isubilo lyabo pali Baibele, pa Cebo cakwa Lesa no ku Cikatilila nge Shintililo; lolekesheni kuntu bali nomba.

Paulo alemulangishako panono pali bena mu ba Hebere icipandwa ca 11: ifyo bacitile, ifyo bacimfishe ama bufumu, bakwete ubulungami, kabili nafimbipo; kabili baendawike mu mpapa sha mpaanga ne mpapa sha mbushi, abo isonde talyali ilya linga ukubakwata, ukulolela mu bukata kuli kulyo Kututubuka uku kankala. Mwamona? Cisuma! Pantu bena...Bamo muli bena taba—tabakweteko ifi fisungusho, kabili nelyo line balipele imibili yabo, ukulolekesha kuntashi kuli kulyo Kututubuka. Ku kupwisha ubumi bwabo, tababusakamene; balefwaya ukuya no kuipela ilambo abene, pa kutila benga kwata kulyo Kututubuka; kabili cilya eco bacitile.

Nomba, ifya kushintililako...Tulelanda...Ishintililo... Namwishiba, Court Iyesu ilya Supreme li shintililo. Lyaba lishintililo; lyaba e—lyaba empela ya fikansa fyonse muli cino calo. Ico cishinka. Ukupanga kwabo kwaba li shintililo, mu Supreme Court yesu. Ico cishinka. Owe, nalishiba inshita shimo tatwaitemwa, lelo yena—yena e shintililo nangu cibe fyo. Ee, mukwai. Nga cakutula tatwakwete cilya, lyena ni cinshi? Lelo cilya li shintililo. Mucine cine efyo caba. Cinshi? Cilya—icalo cesu cakakilwa kuli cilya.

Lintu ilya Supreme Court mukulekelesha bakwata ukupingula kwabo ukwakulekelesha, cilya eco; takwaba nangu...Muli no kuya kwisa panuma ya cilya? Muli no kukonka ukupingula kwabo, epela fye; mulingile ukucita. Bena e shiwi ly kulekelesha; bena eba “ameni.”

Kuti mwayaesha mu ma Court aya misumba yenu; kuti mwaya mukuwasha ku magistrate, elyo kabili ukuya ku ma federal—ku ma court aya misango misango, kabili ku ma federal courts; lelo ilyo twaisa ku Supreme Court, cilya eco. Ico cishinka. Inshita shimo tatwatemwa uku—ukusosa, “Cisuma, nshatemwa ukupingula kwabo,” lelo mukesho ukutalukako kuli cena inshita imo. Ilya e shintililo lya calo. Kabili nga cakutula tatwalikwete? Ee.

Tulingile twakwata ishintililo. Umuntu onse alingile ukukwata limo. Mwalikwata imo. Lelo eco ndeesha ukumweba, kuya kunuma kulya no kumulanga ifyo fya kushintililako fyaba.

Nomba, Supreme Court ya calo e shintililo ya calo. E cintu ica kulekelesha mu misango yonse iya kutalikishanya. Balacipwisha. Ifyo basosa, efyo.

Kwaliba ishintililo pa bwangalo bwa mupila. Ulya e katungulula. Owe, ee! Inshita shimo tatwatemwa ukupingula kwakwe na ifwe, lelo caba—caba—caba eco ifyo fine. Katungulula, ukupingula kwakwe e shiwi lya kulekelesha. Ico cishinka. Te mulandu ifyo bambi benga sosa; nga soso ukutula naingila, ninshi naingila. Ico cishinka! Icine cine. Te mulandu ifyo bambi basosa, cilya tacakwatapo nangu cimo pali cena. Kabili lekeni fye tu tontonkanye pali cena... Nga iyenu... (Nshiya ku mangalo ya mupila, lelo cacitike fye ukuti nalilebelele ici.) Ka—katungulula, ena e shintililo ku bwangalo bwa mupila.

Umo muli bena atila, “Ilya ya cifuma!”

Naumbi atila, “Uli wa bufi!”

Uyu atila, “Ici tacili muli *ulyo* musango; alingile ukuba muli *uyu* musango.”

Katungulula atila, “Naingila!”

Mwamona? Bonse abashala baya mufipuna fyabo no kuyaikala panshi. Calebalenga ukumfwa ububi bamo muli bena. Lelo kuti naelenganya kuti ba “muwela” ena, mukati ka mitima yabo ne fintu, lelo naingila nelyo line. Cinshi? Ena e shiwi lya kulekelesha.

Kateya wa mupila uwantashi atile, “Namwishibo kuti, cilya nacipita!”

Umbi atila, “Namwishiba ico cilubo. . .”

Kuti atila, “Naingila!” Cilya e mpela ya fyonse. “Ikaleni tondolo kanshi, bweleleni mu fifulo fyenu.”

Inga nga cakutula takwali katungulula ku bwangalo bwa mupila? Mwe, bushe kuti mwaelenganya umusango wabwangalo ifyo wingaba? Umo muli bena atila, “Yacingila!”

Umbi atile *ici*.

Umbi atile *cilya*.

Umbi atile, “Uli wabufi!”

Kuti baletalikishanya no kula umana. Uku kwata ubwangalo bwa mupila, mulingile ukukwata ishintililo. Kabili alenda mulya, kabili te mulandu nangu tamwa mutemwa

atemwa cinshi, ena—ena lishintililo ifyo fine. Ena e shintililo; ishiwi lyakwe elya kulekelesha. Te mulandu ifyo mwinga sosa pali cena, cena ni filya fine. Nomba, nga tabakwete, ubwangalo bonse kuti bwifulungana. Bushe co cishinka?

Icalo nga cali shani nga takwali court Iya buteko? Nga takwali Supreme Court muli cino calo, nikwi uko cingaya—nikwisa uko cinga fika? Icalo kuti caba mu cimfulunganya.

Nga takwaliko—ngatakwaliko ka tungulula ku bwangalo bwa mupila, kuti bwapwa—te kuti mukwate ukuposa ukwa ntanshi, mpaka umuntu umo kuti atalikisha. Umuntu umo aiminina palya kabili nalimo e—mucine cine aciya pa cifulo cakwe, kabili umulumendo umbi asosa ukutula, “Owe, awe! Iyo, iyo, iyo! Ta cacibe fyo!” Elyo kabili cilya e co mukwata. Umupila wantanshi waliposelwe, kuti batalikisha pali wena. Umo mulibena atile, “Kulya kwaciba kwingisha!”

Kuti basosa, “Tayacingila!”

Mwamona? Mulingile ukukwata umuntu umo uko bulyo bwangalo bwa kakilwako, kabili ulya ni katungulula. Ilyo asoso kuti, “Yaingila!” ninshi yaingila. Nga soso kuti, “Yafuma!” ninshi ya fuma. Icili conse ico asosa, kucitika. Epela fye! Kabili nga tamwakwete, nga tamwakwete ubwangalo ubuli bonse.

Lekeni milange ishintililo na limbi. Kuli inyali iya kashika, inyali iya kashika. Nga yasoso kuti, “Iminina!” ilepilibula ukwiminina! Nga waicilila, ukalipila pali cilya. Lelo uno musumba nga tawakwete inyali kunse kulya, inyali shakwimikilako, kuti wabo musumba uwa musango shani? Ulingile wakwata ishintililo. Nshilesakamana ifyo kapokola enga sosa atemwa uuli onse uwinge minina palya; bena bacibili.

Ngo muntu umo kuti ashininkisha ukuti mwalipitile pa lubuuto lwa green, nshilesakamana ifyo kapokola enga sosa, bena nabaluba. Ilyo inyali yatile, “Kabiye!” Ico cilepilibula kabiye. Ilya e shintililo. Kuti washininkisha ukuti, ulubuuto lwatile, “Kabiye!” Kapokola limbi kuti aliminine pa cifulo cimo, limbi meya uwa mu musumba, pa cifulo cimo, ico tacilepanga no bupusano nangu ubunono. Nga namukwata icishininkisho ukutula cali “kabiye,” iwe kabiye; kabili ngo muntu umo amupunka, bwafya bwabo. Kuti mwa cishininkisha. Ico cishinka. Kuti twashininkisha ifyo tulelandapo. Ico cishinka.

Nomba, inga nga takwali inyali yakashika? Umo aya palya apakumana inshila, cena... Lolekesheni ifyo cingaba. Umo atila, “Hey, fuma mu nshila; ndi mulubilo. Ningile ukuya kuncito; ni ncelwa nomba. Nalapitilila fye nomba.”



Umbi nao atile, “Uletontonkanya ukutila ifyo uuli, pantu nine wine neulepita, pantu naciba pano intanshi.” Kabili kuti namona umwanakashi afuma panse no kuwamya imishishi yakwe.

Inga nga cakutila tatwakwete inyali yakashika? Bushe nga takwali ukulwishanya kwa ba motoka!

Ubo ebwafya inkuta shakwata. Mwamona? Ico cishinka. Uyo e mulandu wine twakwatila ukulwishanya kwa filonganino. Ico cishinka nganshi. Takuli nangu umo uwingaya kumo, baleminina, ukulatalikishanya.

Ulu pano Ulubuuto lwakwa Lesa. Nga Lwatila, “Kabiye!” kabiye. Nga Lwatila, “Iminina! Apa epa kupelela!” cinshi iminina. Ico cishinka. Apo epo twashintilila, Cilya, cilya Cebo, tefyo ibumba limo ilya bantu lyasosa atemwa ibumba limbi ilya bantu basosele.

Yesu atile, “Ifi fishibilo fikakonka abo abacetekela.” Natuleya! “Kabiyeni mwi sonde lyonse, kabileni Imbila nsuma ku cibumwa conse.”

Namwishiba, amasambililo nge fyo yaba ayasuma, lelo Yesu tatalile ukufwaya cilya. Ico cishinka. Ama chalici nge fyo yaba ayasuma, ifikulwa, Ena tatalile kufwaya filya. Nge fyo fipatala fyaba ifisuma. . . Ifwe—ama chalici ya kula ifipatala. Ico cishinka nganshi, tuletotela pali cilya, lelo ena tatalile ukufwaya cilya.

Atile ku Lukuta, “Shimikileni Imbila nsuma.” Kabili Imbila nsuma tayaishile fye mu Cebo ceka, lelo ukupitila mu maka no kulangisha ukwa Cebo. Paulo eflyo asosele. Kanshi kabiyeni mukulangisha Imbila nsuma. Owe, mwe! Nga cali muli ulya musango. . .

Owe, tuleikala ilelo mu nshita lintu twakwata ba shig’anga abaishibisha abo tatwatata atukwatapo. Twalikwata imiti iya maka sana iyo tatwatata ukubomfyapo. Mwalishiba cilya. Kabili tulepela umu cinshi kuli balya abaume; tulaba pepelako. Ndacita, kabili ndesubila na imwe mulacita. Balya abaume, abo kupitila mu myumfwile iya kwiluka kwabo. . . Balikwata amano yabili ayo ba bombelako, cilya kulolekesha, kabili no kukumya, kabili bena—kabili no kumfwa. Babombela ku ciunda ca mutima, atemwa u—ukukumya icipute atemwa icintu cimo, atemwa ukumoneka kwa cintu cimo ico benga mona, ukusalangana kwa bulwele, atemwa—atemwa icintu cimo pa cinso ico icilefimba icinso atemwa umubili pa cifulo cimo. Bena—ba bomfya filya fintu (mwamona?), pantu cilya. . . Bena besha ukubomfya imiti, kabili uwalinga ubwinga bwipaya, elyo kabili teti bu mwipaye, kabili—kabili na fimbipo. Teti bacite. . . Ulya mulimo wabo ukubomba pali cilya. Kabili tulatotela pali cilya; cilya cisuma sana.

Lelo, twalikwata ba shig'anga abaishibisha, umuti uwamaka sana, ifipatala ifisuma sana, kabili na malwele ayengi nganshi ayo tatwatala atukwatapo. Twalikwata ukukana cetekela ukwingi uko tatwatala atukwatapo. Ee, mukwai! Ico nifyo fine.

Bakapyunga baliibunganya abene, kabili balikwata ifilonganino ifikalamba, kabili no kusenda icintu icili conse, kabili na fimbipo (kabili ku cintu icili conse ukupanga membala wa lukuta); kabili balasendwa ku seminari imo, nga mulya umwakutotelwa utukoko (kabili balatotwa ukufuma ku—ku cakupelelako icibafumya nga filya), kabili inshita shimo tabaishiba ifingi pali Lesa ukucila umu Hottentot aishiba panshita ya mu bushiku bwa mu Egypt. Ukubaleta ukubapishamo nga filya, kabili i . . . Mwacimone co. Mwamona?

Owe, ico tukabila mu ma chalici yesu mwaume uyo uwakwata Ishintililo! Ico tukabila mu lukuta lwa Methodist, ulukuta lwa Baptist, ulukuta lwa Pentecosti, ulukuta lwa Presbyteriana Lishintililo—umuntu wakwa Lesa uyo ukeminina uwakakwa ku Cebo na kuli Kristu, kabili no kuleta lulyo lukuta muli ilye misango umu cila memba engendela mu mibele iya ici Cebo, ukumona cilye Cebo ukulangishiwa, ukula konka, “Ifi fishibilo fikakonka abo abacetekela, mwi sonde lyonse.”

Batile, “Cilya califumishiwapo.”

Yesu atile, “Kabiyeni mwi sonde lyonse; kabileni Imbila nsuma ku cibumbwa conse.”

Tatulati tufike kwi sonde lyonse na nomba, kabili ukutali nganshi ku cibumbwa conse. Mpaka lilali? Isonde lyonse. Kuli ani? Icibumbwa conse. Cinshi icikacitika? “Ifi fishibilo fikakonka abo abacetekela: Mwi Shina Lyandi bakatamfishamo ifiwa; baka landila mu ndimi shipya; nga bakekata insoka Atemwa ukunwa icintu ica bwanga, tacakabacene; nga bakabika indupi shabo pabalwele bakaba abatuntulu.”

Lilya e Shintililo ukwikatilila palya, Icebo, lulya Lutanda ulwa ku Kapinda ka kulyo, ilya Compass iya ikala filya fine na Cena. Cilya e co tulekabila.

Lelo twalile kunse no ku kula amasukulu, ukukolanganika abantu, twalingishe ama membala, kabili twatalikishenye naba Baptsti (pantu tabacetekele umusango twacitile) kabili ba Methodisti (pantu tabacitile muli uyu musango); kabili twaishile kwata seminary umukalamba, no ku kula ama chalici ayakalamba, no mwakupita umusuma, na organ ikalamba, kabili na fimbipo, kabili ne bumba ilya fwala bwimo; balikwata meya kabili umuntu onse mu lukuta; kabili nifinshi twakwata? Ibumba lya mfwa, ilya kakililwa kwishintililo lya cilonganino! Imfwa! Owe, cikanyeni!

Nga nkafwila pa nkasa shandi, Ishintililo lyandi ni Yesu Kristu; pali Cilya nali cetekela. Ngo muntu onse afuma kunse...Umuntu umo atile—Doctor Davis atile kuli ine, “Billy, uleshimikila icintu ica musango yo, ukacishimikila ku ncenshi sha chalici.”

Natile, “Nkalashimikila Icebo cakwa Lesa ku ncenshi kanshi, pantu Lesa ali uwalinga kuli ishi ncenshi ku kwimya abana bakwa Abraham.” Cishinka! Icebo cakwa Lesa ca cine!

Atile, “Uletontonkanya ukutila baka kucetekela?”

Natile, “Uyo te mulimo wandi. Umulimo wandi kwikala uwa cine kuli cilye Cebo.” Ico cishinka.

Atile, “Uletontonkanya kuti wakumanya isonde ilyasambilila nge fi ne sambililo lya fya bulesa ilya—ilya kundapa kwa bulesa?”

Natile, “Te kundapa kwa Bulesa kwandi, cena bulayo Bwakwe. Ena Ewapele ulya mulimo.”

Owe, kabili ndeibukisha lintu Apitile kwisamba kulya muli lulyo Lubuuto ulukalamba, ukwiminina kulya mukati ka mumana, 1933, mu June, lintu Atile, “Nge fyo—nge fyo Yohane Kabatisha atuminwe ku kutangilila ukwisa kwa ntanshi kwa kwa Kristu, Nde kutuma ne Mbila kwi sonde ku kutangilila ukwisa kwa cibili ukwa kwa Kristu.” Kabili ukushinguluke sonde aliya lintu imililo iya kupuputulwa ya koshiwe pa myaka ikumi limo na fisano mu pepi fye na pa lupili ululi lonse. Ukundapwa kwa Bulesa uku ciluka inko, kabili amaka, kabili ukubwekesha, kabili nomba, ndecetekela ali mupepi no kufika palya apa kupwishishisha kulya, ku kuleta icitetekelo ico cika Sumbula Ulukuta mu Bukata; kabili Wene aikala mu Mbila! Tuli icine cine pa nshita yampela. Twalilanda pali cena na fyonse fye, lelo icintu nacisa pali ifwe nomba. Yomfweni! Ee, mukwai! Iyi pano imo! Ico cishinka!

Inyali iyakashika, nge fyo nsosele, ilapwisha umulandu! Cilya efyonse. Inyali iyakashika ilamweba uwalapita. Te mulandu ifyo umuntu uuli onse uwashala alesosa, caba ifyo inyali iya kashika isosa. Kuti mwakwata ukulwishanya ukwa ba motoka ukwine kwine nga tamule cita, nga tamulesakamana inyali yakashika. Kulingile kwaba ishintililo. Ee, mukwai!

Kwati fye ni ku Lukuta, kulingile kwabako Ishintililo. Ku bantu mu lukuta mulingile ukukwata ishintililo lyenu. Lelo ilelo cila lukuta lwalikwata ishintililo lyabo abene. Mwamona? Tabesha ukusenda. . .

“Ifwe ba Baptist twalicetekela *ici!*”

“Ifwe ba Methodist twalicetekela *ici!*”

“Ifwe ba Presbyterian twali cetekela *ici!*”

“Ifwe ba Pentecost twalicetekela *ici!*”

Ico cilifye bwino, lelo cinshi tamusenda conse ica Cena? Mulandunshi na conse ica Cena?

“Ifwe ba Baptist twalicetekela mu kwibisha.”

Ico cisuma. Inga pa lubatisho lwa Mupashi wa Mushilo, nomba? Inga palwa kulandila mu ndimi? Inga palwa fya bupe ifya bundapishi? Inga palwa busesemo?

“Owe, awe! Tatufwaya; ico—ico cali canshita imbi.” Owe, mune!

Ba Pentecost, mwatila, “Cisuma, twalicetekela mukulandila mu ndimi nge cishininkisho.”

Icine, ukulandila mundimi kwaba fye bwino, lelo ico nelyo line te cishininkisho. Abantu abengi balandila mundimi (ico ca cine), kabili palya epo bapelela peka. Ciwa kuti apashanya icabupe icili conse icabapo, icabupe icili conse icaba mu Baibele.

Paulo atile, “Nangu nande mundimi sha mubantu na ba Malaika; nangu ninga pela umubili wandi mukocewa nge lambo; nangu ninga shitisha ifipe fyandi fyonse kukulisha ababusu, kabili nangu ninkwata icitetekelo ukusesha impili; nangu naliile ku seminary no kusambilila amano yonse aya kusambilila, nelyo line nshili kantu.”

Caba Ubuntu bwakwa Kristu. Kristu! Mu pokeleleni; kabili tekuti mu Mupokelele ukwabula ukupokelela Icebo Cakwe. Icebo cilingile ukwisa intanshi; elyo Ubumi bulesa muli cilye Cebo kabili no kulangisha cilye Cebo.

Bushe Yesu tasosele, “Nga nshilecita imilimo yakwa Tata, lyena Mwinetekela”? Cali Icebo cakwa Lesa ukulalangishiwa. Lesa ali muli Kristu, ukubwekesha, ukuilangisha Umwine kwi sonde, fintu Ali. Cilya cali—cilya cali Ishintililo. Cilya cali Ishintililo ilya Muyayaya kulya.

Elyo mwatila, “Bushe cilya e Muyayaya, Munyina Branham?” Cilya cali eco! “Kanshi inge lelo?”

Yesu atile, “Uyo uwacetekela muli Ine, imilimo iyo Ncita nao akacita”—Ishintililo limo line. Cisuma!

Cila umo balikwata ishintililo lyabo. Owe, mwe! Cili fye kwati ni filya cali mu nshiku sha Bapingushi: cila muntu acitile ico icali icalungama mu menso yakwe umwine. Mu nshiku sha Bapingushi cila muntu akwete ilyakwe umwine—ishintililo lyakwe umwine. Acitile fye ico alefwaya ukucita, kabili iyo e nshila cabelamo nomba. Cila muntu acitile icalungama mu cinso cakwe umwine.

Nomba, namwishiba umulandu bacitile filya mu Bapingushi? Ici kuti ca mitensha panono fye. Lelo umulandu

bacicitile mu Bapingushi, ni pa mulandu tabakwete kasesema muli shilye nshiku uko Icebo cakwa Lesa cilingile ukwisako, eico cila muntu alecita ico alefwaya mu cinso cakwe umwine.

Kabili cilya cine fye eca citika nelelo. Tatwakwata kasesema muli ishi nshiku sha filonganino, lelo Lesa alitulaya umo. Mwamona, mwamona? Alicitile. Mu nshiku shakulekelesha Ali no kwima no kutuma Eliya ukubwela nakabili pa mulimo, kabili Ali no kubwesha imitima ya bana ukubwekela kucitetekelo caba shibo—ukubwekela kuli Pentecosti wa ntendekelo. Namwishiba Asosele cilya!

Kabili ni njishiba mwalasontelelako, ngefyo Acitile kulya kuli Yohane (mulya muli—kabili Mateyo icipandwa ca 11 kabili na versi ya 6, ndecetekela efyo lili) lintu batile, “Nani muletontonkanya uyu muntu ali, uyu Yohane?”

Atile, “Nga kuti mwacipokelela, uyu e ulya uwalandilwepo, ‘Moneni ndetuma inkombe Yandi ku ntanshi Yandi.’” Ulya ni Malaki 3, te Malaki 4. Lelo ibukisheni, nga cilya cali ni Malaki 4, lyena Icebo califililwe, pantu Atile lelo pali iilya ine nshita isonde lyonse likocewa, kabili abalungami bakanyanta pa mito yaba bifi. Iyo! Mwila cisankanya, ba munyina; Cilengeni ukusosa filya fine ifyo Cilesosa. Ico cishinka. Alicilaile mu nshiku shakulekelesha, kabili cikesaba po pakati.

Ibukisheni, ilyo Abapingushi, cila muntu alicitile inshila alefwailamo. Takwali umuntu, takwali umuntu uwinga lenga cilye Cebo ukuba no mweo. Takwali kasesema. Icebo cakwa Shikulu lyonse ciisa kuli kasesema (ico cishinka), kabili lyonse bala mupata. Kalibumba fye akanono akamutemwa! Kabili . . . Mwamona? Lelo ico ndepilibula, lyonse kwaleba cilya.

Lesu tapilibula amafunde Yakwe; tekuti acite no kuba Lesu. Nga Lesu atala ukusosa icintu conse atemwa ukucite cintu icili conse, Alingile ukucita inshita imbi. Ilyo bulyo bwafya bwafika, nga tabombele Ena umuku wacibili umusango Acitile inshita ya kubalilapo, Abombele mukuluba inshita yakubalilapo. Kabili nani uwingebaula Lesu ku kuba mucilubo? Niwe ani uwingabika ulubembu kuli Lesu? Ifyo efyo Yesu asosele: “Nani muli imwe enga Njebaula pa lubembu?”

Ulubembu cinshi? Kukana cetekela. “Uyo ushicicetekela nasekwa kale.”

Nani muli imwe uwinga Nanga ukuti nshifikilishe ifintu fyonse ifyo Mesaya ali no kucita?” Mwamona? Tapali nangu umo uwalandile ishiwi. Ena alikwete; Mesaya ali ni Kasesema, kabili Alishininkishe ukuti Ali eo. Tabatalile ukukwata kasesema pa myaka imyanda, ukutula pali Malaki, kabili pano Aishile monekela. Ali icakupapusha ku bantu kabili icakupunwinsha ku lukuta lwabo, pantu Atile, “Moneni ni mbika mu Zion, Ilibwe lya pa cifutu, Ulya umusuma,

uwaeshiwa, owe, ilibwe ilya kupunwinsha. (Ee!) Lelo uyo onse uwacetekela muli Ena takalengwe insoni.” Ico cishinka. Ulya ali palya. Kabili bena... Filya fine ukufikilisha Amalembu. Lelo abo aba Mucetekele balikwete Ishintililo.

Marita umunono, ilyo amwene Lasaro ukufuma mu nshishi, alishibe ifyo Ulya ali. Nangu lintu tacila Citika, alikwete ishintililo ilya kwishiba, “Nali cetekela ukutula Imwe muli Mwana wakwa Lesa uyo wali no kwisa mwi sonde. Nangu ni nomba, nangula ndume yandi nafwa, soseni fye icebo; Lesa ali noku cicita.” Ameni! Ali mucine cine uwashininkisha.

Ico cishinka. Ilyo Ena...Atile ukuti, kabili wene acipilibwile ukufuma mu mutima wakwe.

Atile, “Nikwi uko mu mushikile?”

Atile, “Isa umone.”

Palya Aliminine palya ne cimonwa, pantu Atile, “Nshicita akantu mpaka Tata Ananga intansi” (Yohane Washila 5:19).

Ali mutumine ukuya ukufuma—ali fuminepo pa ng’anda yakwa Lasaro. Bali tumine kuli Wene ku kwisa mu kupepa. Ali shibe Lasaro ali no kufwa; kabili panuma ya nshita iitali, Atile, “Cibusa wesu Lasaro na sendama.”

Batile, “Ali fye bwino!”

Atile, “Nafwa; kabili natemwa pa mulandu wa imwe ico nshaliko.” (Balimulombele ena kukwisa muku mupepelela.) Elyo aishile sosa, atile, “Lelo Ndeya mubusha.” Owe, mwe! Tatile, “Nalaya no kumona ifyo ninga cita,” “Nalaya mubusha.” Cinshi? “Tata na Nangisha kale ifya kucita.”

Balile ku nshishi. Palya paliminine Umuntu; palya paliminine Lesa mu mubili, uyo uwali no ku sosa ku cilibwe, “Sunguluka!” Kabili nga cali sungulwike; lelo atile kuli balya abanakashi, balya abanakashi abanono aba busu, abanakashi aba caice abanono, atile, “Fumyeni po ilibwe!”

Mulingile ukucitapo icintu cimo na imwe. Mwamona? Kabili balifumishepo ilibwe; kabili cabalengele ukulwala, alenunka sana. Palya Aliminine palya. Owe, mwe! Kuti na Mumona ukolola kalya aka mubili akanono (pantu Baibeleyatyle takwali ukuyemba uko twinga kabila Wene; Takwete nangu cimo ica kumukumbilwapo. Mwamona?).

Kwati fye ni David. Alisalilwe imfumu lintu ali fye akantu fye akanono akakalabana. Mwamona? Bonse balya abalumendo abakulu abakalamba batile “Bushe tamoneke bwino ne cilongwe pa mutwe wakwe?”

“Sendo uyu mwana uwa bubeli,” eflyo Jessi asosele.

Samuel atile, “Lesa namukana.” Aliletele abana bakwe bonse abaume.

Atile, “Bushe taukwete naumbi?”

“Natukwata umo, lelo teti amoneke nge mfumu. Cinshi, untu waonda, uwa mapeya ayaba pa mulu, umulumendo umoneka uwakalabana.”

“Kabiye uye musenda!” Kabili lilya line ilyo aishile aleenda kuntanshi ya ulya kasesema, Umupashi wawile pali ena. Ali butwike nayalya amafuta no kuyetila pa mutwe wakwe, atile, “Iyi e mfumu yenu.” Ici eco! Ee, mukwai!

Kabili Yesu aliminine palya na mapeya pa mulu, nalimo, ne mishishi iya buta lintu talati Abe ukucila imyaka amakumi yatatu iya kufyalwa. (Baibele yasosa ukuti nalimo amoneke kwati ali na makumi yane.” Aba Yuda batile, “Uli mwaume ushicilile—ushicilile pa myaka yakufyalwa amakumi yasano, kabili watila walimona Abraham?”

Atile, “Lintu Abraham talabako, ninshi eko Ndi.” Mwe, owe, mwe! Yohane Washila 6.

Lyena twaisa mukusanga, pano Alimine pa nshishi. Alishibe cilye cimonwa icaishile kuli Wene, alishibe cilingile ukuba. “Fumyenipo ilibwe!” Alenunka, napombwa mufyakufwala fyakushikilwamo, papitile inshiku shine apo afwilile; umona wakwe wali ponene kale, muli ilya nshita.

Palya Aliminine; palya; ali olwele umubili Wakwe unono, “Nine Kubuka no Mweo! Uyo uwacetekela muli Ine; nangu alifwile, nelyo line akaba no mweo.” Njebeniko umuntu uwinga landa mu musango nga ulya! “Uyo onse uli no mweo kabili acetekela muli Ine takatale ukufwa! Bushe uleacetekela ici?”

Atile, “Ee, Shikulu!” Nangula alimufililwe, mu kumoneka, ilyo alombebe, Ena taileko, alilombebe nakabili; Ena taileko. Lelo pano alesosa, “ninjshiba ukuti Nimwe Kristu uyo uwali no kwisa mwi sonde.”

Atile, “Lasaro, fuma!” Kabili umuntu uyo uwali uwafwa pa nshiku shine...Cinshi? Ni cinshi? Kristu alikwete Ishintililo. Ali mwene icimonwa; te kuti cikane ukufikilishiwa. Ico cishinka. Teti cifilwe! Ali icine cine uwashininkisha.

Kabili Marita ali icine cine uwashininkisha! Nga kuti amulenga Ena ukwishiba ico acetekela muli Wene ukuba, kuti apokelela ico alombebe! Cishinka! Balya bali palya, Ishintililo; cakakilwe pamo ne Cebo; kabili cilya cali eco.

Cila muntu ilelo alacita mu menso yakwe umwine ico icilemoneka bwino, pantu takwaba kasesema.

Lolesheni mu nshiku sha Bapingushi. Lolekesheni kuli cena! Mu nshiku ilyo (ndecetekela cali ni Eliya nangu Elisha, umo. Ee!) Ulyo umwana uwafwile...U—umwanakashi umwina Shunemu, apangile...

Eliya ali muntu uwakwa Lesa muli bulya bushiku, tali fye kasambilisha umo uwa mano. Cinshi, ali umwaume umukote

uwale endauka. Cali ni mwe. . . Ngalishile fye pa—pa mwinshi wenu ilelo nalimo nga mwalimutamfishe. Inko yonse yali mupatile. Yesebele na bonse abashala bali mupatile, pantu ena—aikele mu White House no kulenga bonse abanakashi ukucita umusango alecitolamo; kabili na bonse fye bali konkele ena, kabili—kabili Ahab alipilibwilwe—umutwe wakwe walipilibwilwe kumaka yakwe. Tacaba ukutali naifwe ilelo, caba fye icintu cimo cine; kabili ico—mwacimona ico. Bali fye bonse abalumbukwa kabili bonse—bonse bali abacindamikwa.

Lelo ulya umwina Shunemu umukote umunono (te mwanakashi umwina Shunemu lelo umunono—ee, ndecetekela ali umwina Shunemu), lintu aishile no kumona yalya maka ayali muli Eliya, atile, “Nimona ukuti muntu uwa mushilo.” Kabili ilyo ulyo mwana alele mulya nafwa, atile, “Nina pali ulya punda kabili wiiminina!” Alile kulya. . . alishibe. . . Kabili nalitemwa cilya, umusango aishilemo; afikile kwishintililo lyakwe, uko akakilwe.

Eliya atile, “Uyu aisa umwina Shunemu. Ena nashikitikwa, lelo nshishibe ico icilubene.” (Mwamona, Lesa talanga aba bomfi Bakwe ifintu fyonse, ni filya fye efyo Afwaya bena ukwishiba.) Eico atile, “Umutima wakwe nashikitika, lelo nshishibe.” Atile, “Butuka, kabiye uye ipusha, Gehasi, no kumona icilubene.”

Atile, “Bushe fyonse fili bwino kuli iwe? Fyonse fili bwino ku mulume obe? Fyonse fili bwino ku mwana obe?”

Lolekesheni kuli wene. Owe, mwe! Ici eco. Atile, “Fyonse fili bwino.” Cinshi? Alishile kwi shintililo lyakwe. “Fyonse fili bwino.” Kabili alifukeme panshi. . . Awilile icakubalilapo pa nkasa shakwe, kabili Gehasi ali mwimisha. Cilya tacali icalungama kuntanshi yakwa shikulu wakwe—wakwe, alimfumishepo; kabili atendeke ukulamweba.

Nomba, ena takwete ishintililo nangu limo nomba. Alishibe alikwete amaka ku cimonwa ku kumupela umwana, lelo nomba, cinshi ico engacita? Alisendele inkonto yakwe no kuya mukati ka cipinda, abikile—alisele ifibi fyonse, alifumishemo umuntu onse. Alyendele uku no ku mu cipinda. Alikwete Ishintililo nga kuti fye akumana Nalyo. Kunuma naku ntanshi, uku no ku mu cipinda. Owe, mwe! Palya pene aumfwile icintu cimo ukumwikata; ailelalila pa mwana, alifuminepo nakabili, no kuya. U—umwana acitile kwati asela, alikabile. Aendele kunuma na kuntanshi; takwete ukulanshanya kusuma ne Shintililo. “Cali ni cinshi, Shikulu? Cinshi ico mwinga Sosa ukucitwa?”

Ukwabulo kutwishika ilyo apilibwike, amwene icimonwa: Ulyo mulumendo umunono atendeke ukulaangala alebutuka, ukulatoloka muntambo, icintu cimo atemwa cimbi icapala



filya—ukulaangala. Aliwilile umwine pa mwana; abikile umona wakwe pa mona wa mwana, imilomo yakwe pa milomo ya mwana; kabili na Maka yakwa Lesa yali bushishe umwana ku mweo. Cali ni cinshi? Ishintililo lya mwanakashi lyali ni kasesema; Ishintililo ilyakwa kasesema lyali ni Lesa. Kabili fyonse pamo ne Cebo, “Nine Ukubuka kabili no Mweo, amaka yakwa Lesa, Kabumba.”...?...Wene alibukile nakabili, umwana.

Mucine! Umulandu cila muntu acitile mu nshila yakwe umwine, pantu tabakwete kasesema uko Icebo cakwa Lesa cilingile ukwisako. Icebo naba kasesema tabalipo muli bulya bushiku.

Owe, nalimone ci pa kupilubulwa kwandi, mu bushiku ubo twaikelemo. Ndi uwansansa sana ukuti Lesa aishilenjikata lintu ulukuta talulati. Nalimo nga nali ushacetekela (ee, mukwai!), Ine—konse ukufubana ukwakusafya kabili umuntu onse. “Cisuma, isa kuno no kuilunda ku yesu. Kabili nga taucitile, cisuma, kuti wasende nkalata yobe no kuyailunda kuli ilya imbi.” Owe!

“Bushe tawalete inkalata yobe mu kulongana kwesu?”

Ndecetekela kwaba inkalata imo; na ilya ni lilya Kristu alemba ishina mwi Buku ilya Mwana wa Mpaanga ilya Mweo. Ni ilya fye yeka imo ibapo.

Ilyo na mona ifilonganino fyonse...Umutundu wesu tuli ba Irish, abo abali kale ba Katolika, kabili nalimwene cilya cali icabufi kabili icabola. Nalile kumo ku cilonganino cimo ica lukuta muno mu musumba; batile, “Owe, tuli nshila, icine, ulubuuto; twalikwata conse fye.”

Naile kuli imbi mu New Albany. “Owe, mwe! Balya abalumendo kulya tabaishibe ico balelandapo.”

Ba Katolika batile, “Bonse imwe mwaliluba.”

Na tontonkenye, “Owe, mwe!”

Naleyangala no mulumendo umunono uwa ku Lutheran, kabili natontonkenye—umunono umu German Lutheran; nalile kulya kabili natile, “Nikwisa uko ku chalici uko uya?”

“Nja kuli *ilya* chalici.”

Naile kulya, kabili nailesanga ukuti batile bali e nshila. Kabili nalile kulya kuli Munyina Dale, mu Emmanuel Baptist, nangu First Baptist; batile, “*Iyi* e nshila.”

Elyo naishileya kulya ku chalici ya Irish, batile, “Lelo *iyi* e nshila.”

“Owe, mwe! Ndi uwafulungana sana; nshishibe ifyakucita. Lelo ndefwaya ukuba uwalungama!” Nshaishibe ifyakucita, nshaishibe ifya kulapila, nalilembele inkalata. Natontonkenye, “Nali Mumona mu mitengo.” Nali Mulembele inkalata; natile:

Mwebatemwika Mukwai,  
 Ninjishiba Mupita muli aka kashila pano, pantu  
 njikele pano ukulungo tupale. Ninjishiba  
 Mwalapita, kabili ninjishiba Muli pano.  
 Ndefwaya Imwe... Ndefwaya uku Mweba icintu  
 cimo...

Natontonkenye, “Nomba, loleleni pali miniti. Ine—nshatala monapo umuntu nangu umo nshatalile... Ndefwaya ukulanda kuli bena; ine—ndefwaya ukulanda na bena. Ine—ndefwaya kulanda kuli Ena.” Natontonkenye, “Cisuma nomba, nshishibe ifyo ningile ukucicita.”

Kabili naile ingila mu kayanda no kufukama panshi, amenshi, umwabomba kabili na ka motoka akanono aka kale kali mulya akaonaika. Kabili natile, “Ndecetekela nimona icikope... Ndecetekela babikile amaboko yabo nge *fi*,” kabili nafukeme panshi. Kabili natile, “Nomba, cinshi ico nalalanda?” Natile, “Kwalibako inshila imo iyo mwinga citilamo ifi, kabili nshishibe. Nalishiba kwaba inshila iya kupalama icili conse, kabili nshishibe...”

Natile (Nabikile amaboko yandi nge *fi*)—natile, “Mwebatemwika Mukwai, ndekabila nga kuti Mwaisa mukulanda na ine pa kashita fye. Ndefwaya ukumweba Imwe ifyo naba umubi.” (Naimishe ukuboko kwandi nge *fi*.) Nalikutike. Abantu balesosa... Lesa alilandile kuli ine, kabili nalishibe alilandile, pantu nali Lyumfwile ilyo nali akanya, ukunjeba ukukana nwa ne fya pala fi. Ena tanjaswike.

Natile, “Nalimo nalingile ukubika amaboko yandi nge *fi*.” Eico natile, “Mwebatemwika Mukwai, ine—nshishibe fye ifyo ninga cita ici, lelo ine ndesubila ukuti mwala... Bushe kuti mwangafwa?”

Kabili cila kashimikila ukulanjeba ukuyailunda ku yabo, kabili no kwiminina no kusoso kuti balibulile Yesu Kristu, kabili bali cetekela Yesu ukubo Mwana wakwa Lesa. Ifiwa fyalicetekela icintu cimo cine, eico natontonkenye, “Ine—ningile ukukwata icintu cimo ukucila cilya.” Eico nalikele nge *fi*.

Nalibelenga apo Petro na Yohane bapitile palya pa mpongolo itwa iya Yemba, kabili kwaliko umwaume uwalemana molu ukufuma munda yaba nyina. Atile, “Silver na golide nshikwete, lelo ici eco nkwete...” Nalishibe nshakwete cilya.

Eico naleesha uku—ukusanga ifyo ninga cita; nshaishibe ifya kupepa. Nabikile amaboko yandi; elyo nalilele panshi nge *fi*. Nangu fye, Satana alishile pali ilye ncende lilya, atile, “Wamona? Walilolela inshita iitali sana. Uli kale ne myaka iya kufyalwa amakumi yabili; tapali mulandu uwa kucusha nomba. Naucita...”

Elyo nalyumfwile ububi kabili natendeke ukulila. Elyo kabili, ilyo naumfwile ububi sana, natile, “Nalalanda. Nga ta Mwasose kuli ine, nalalanda kuli Imwe ifyo fine.” Eico na—natile, “Nshabo musuma; ndeumfwa insoni ne mwine! Ba Lesa, ninjishiba Mwalangumfwa ku cifulo cimo. Ngumfweni, kabili ndi ne nsoni ne mwine. Ndi ne nsoni ukutila nalimukana Imwe!”

Nalimo pali ilya nshita na lilolekeshe ku mulu, kabili imyumfwile imo iyaibela yaishile pali ine. Palya palishile Ulubuuto luleende ukupita mu cipinda kabili lwalipangile ulupanda, nga filya; kabili Ishiwi ilyo nshatala ukumfwapo mu bumi bwandi, Iya lilandile. Nalilolekeshe kuli Lwena, amaka yonse yalipwile, ukunenuka, nalitinine. Tekuti nsele. Naliminine, nalolekeshe kuli Lwena; kabili Lwaishileya.

Natile, “Mukwai, ine—nshileumfwa ululimi Lwenu.” Natile, “Nga tekuti mulande ulwandi, kabili ine—kabili nshileumfwa Ulwenu...Kabili nga Mwalambelega uluse, ninjishiba ukutila ningile ukwishibikwa muli lulya ulupanda palya, pa cifulo cimo apo—imembu shandi shilingile ukubikwa palya. Kabili nga—kabili nga cakutila Mwalambelega uluse, bweleleni fye no kulanda mu lulimi Lwenu mwebene. Nalaumfwa kuli ico, nga tekuti Mulande ululimi lwandi.” Natile, “Mwinga Cileka fye cibwele nakabili.”

Cilya Cali palya nakabili. Owe, ubusuma ee! Palya naishilekwata Ishintililo. Amen! Ee, mukwai! Kwaumfwike kwati i—icipe icafina ama tons amakumi yane califumishiwe pa mabeya yandi. Nalyendele mulya ukupita mukashila aka mbao, nshanyantile nangu pa mushili.

Ba Mayo batile, “Billy, uli no mwenso.”

Natile, “Iyo, Mayo, nshishibe icicitike.”

Kwaliko inyanji kunuma kulya; nalibutwike muli ilya inyanji ukutolokela mu mulu nge fyo ningacita. Nshaishibe ifya kupwisha imyumfwile yandi. Owe, nga nalishibe ifya kupunda! Nalepunda, lelo mu nshila yandi ne mwine. Mulemona?

Cali cinshi? Umweo wandi walikatilile mu Ncende iya Kutushishamo. Cilya calipwishishe; lilya elyali Ishintililo lyandi. Palya nalisangile icintu cimo, te cimo icakwelenganya, amano yamo. Nalilandile no Muntu. Nalilandile nauhya Muntu uwanjebele ukukana nwapo, atemwa ukupepa, atemwa ukucite cili conse icinga nkowesha nabanakashi nafimbipo; ukuti ilyo nkabo mukalamba kukaba umulimo uwakuti ine nkacite. Nali Mukumenye, te lukuta; nali mukumenye Ena—Ena! Ee, mukwai! Ena ali Eo.

Kwati mulumendo kulya lubali kuli ba Kiwanis atemwa e—alelanda te kale sana...Lilya line fye panuma ya Nkondo

ye Sonde Lyonse Iya Kubalilapo (Munyina Fank uwiminine palya, ukuba umushilika)—atile ukuti ali. . . (“Cili panono—nge cileumfwika ica mipulwe. Te ncende iya kukwatilapo imipulwe, lelo ifi efyo asosele. Ali muno mwine mu New Albany.) Atile, “Kapiteni aile tutandasha atile, ‘Cilye calo conse kulya calisulamo nama Japs. Mailo, Balumendo, tukayamo; tulingile twabasenda.’ Atile, ‘Ibukisheni, Balumendo, kuliko abengi kuno fwe beminine pano ilelo abashakabeko mailo. Tabakabepo pano mailo; tuli no kuyamo, mu lucelo ilyo akasuba kaletula.’ Atile, ‘Nomba, cila umo umo akabe na bukapeta bwakwe.”

Uyu mulumendo atile, “Kabili nshakwete nabukapepa nangu bumo.” Kabili natile, “Natile. . .” Atile, “Naliminine palya, kabili na bonse abashala. . .” Atile, “Alishile chaplain, aile *uku* lubali; umu Protestant aile *uku* lubali, kabili umu Yuda aile *uku* lubali, kabili Katolika aile *lulya* lubali pamo na chaplain wabo.” Atile, “Naliminine palya.”

Kabili atile, “U—umushilika umukalamba atile kuli ine, atile, ‘Mulumendo, ulingile waya kuli bukapeta bobo.’”

Atile, “Nshikwete nangu bumo.”

Atile, “Cawama ukutendeka ukukwata bumo, pantu walakabila ukukwata bumo ili line fye; ndecetekela.”

Kabili atile nalimo pali ilya nshita, alimwene ibumba lilepita kabili lyali niba Katolika. Atile alyendele kulya kabili atile kuli uyu shimapepo, “Bushe kuti wampelako bukapeta bumo?”

Kabili atile, “Isa kuno!”

Atile, “Alile mulya no kupanga bu Katolika muli ine.” (Kabili kulya mu New Albany kwali John Howard kabili ibumba ilya bena ilyaba Katolika abene bene abaipelesha bali kele palya, namwishiba, lintu uyu umwaume alelanda ici.) Kabili atile—atile, “Mu bushiku ubwakonkelepo mu bulwi. . .” Alelanda palwa, owe, ifyo cali kabili atile (ena muntu uwaina umukalamba, namwishiba)—Kabili atile bali ketene ukuboko no kuboko. Kabili bena balelasana fye ne minaifi, no kulapunda, no kulatetaula, no kuputaula. Atile amabumba yalifulungene, kabili baishile shingulukana umo no mubiye. Ama Japs balibalekele ukwenda mukati muli cena, nga filya, kabili shilye mfuti ishikalamba isha kale shilelila ukufuma kumbali shonse—ubulwi ubwa kuboko no kuboko.

Atile, “Palya pene, naliminine akashita nge *fi*. . .” Kabili atile, “Ifintu fyonse, ukupunda ne fyakucita, te kuti uyumfwe wemwine weka.” Atile, “Kwali umulopa.” Atile, “Naliloleshe, kabili cali umulopa wandi!” Atile, “Naliloleshe *apa*. Palipo icipunda kulubali lwandi.” Atile, “Ulya wali mulopa wandi.” Atile, “Ine. . . Namwishiba, ine. . . ine. . . ine. . .”

Kabili umwine mwine...Kabili, cibusa wa ku Katolika, ndesosa fye ici ku—ku kusekesha nomba. Lelo umwine mwine, Katolika uwacishinka atile—atile, “Bushe walisosele ‘Nakucelela Maliya.’”

Atile, “Iyo, mukwai!” Atile, “Ulya wali mulopa *wandi*. Nshalefwaya secretary nangu umo. Natile, ‘Ndefwaya ukulanda ku Mwaume umwine.’” Atile, “Ulya wali—ulya wali mulopa *wandi*.”

Kabili ndetontonkanya ilya e nshila cabelelamo. Ee, mukwai! Ilya e nshila cibelamo. Tulingile twakwata ukwa kukakililwa, Ishintililo.

“Nshakwete inshita kuli secretary Wakwe,” Atile, “Nalefwaya ukulanda kuli Ena.”

Kabili cilya eco, munyina. Ilyo muntu aisa kuli Kristu, tamufwaya ukusenda icebo cakwa kashimikila, icebo cakwa secretary umo, icintu cimbi icashala. Imwe ba Protestant, mwi senda *ici, cilya, atemwa ico cimbi*; kabiyeni kuli lilye Shintililo mpaka mwaikashiwa mulya ukupitila mu kufyalwa cipya cipya, ukubo uwa kufyalwa libili, no kwisushiwa na Mupashi wa Mushilo, kabili mulemona na Baibele uku lalangishiwa mu kuicefya ne citemwiko ukupitila mu bumi bwenu. Owe, lyena lilya e Shintililo lyenu. Ee, mukwai!

Ndabelenga mu Cebo uko Ena aba e Cebo. Ilyo ulukuta lwa German lwatile, “Caba muli *uyu* umusango,” kabili ba Methodist, kabili ba Baptist, kabili ba Katolika...Lelo ndabelenga mu Cebo, apo Atile, “Pali ci cilibwe Nkakula Ulukuta Lwandi, kabili ne mpongolo sha kumbo tashaka Lwanshe.”

Umfweni nomba, mukwisala. Nomba, ba Protestant batile...Nomba, ba Katolika batila Alukulile pali Petro. “Niwe Petro, kabili pali ci cilibwe...” Awe, Tatalile! Nga lwali, lwalibwelele numa lilya line fye. Balukulile pa muntu. Cinshi ico Acitile?

Ba Protestant batile Alukulile pa Mwine Eka. Awe! Tacitile! Talukulile pa Mwine eka. Cinshi ico Acitile?

“Cinshi ico—Finshi ifyo abantu basosa, Ine, Umwana wa muntu, naba?”

Kabili bamo batila, “Nimwe Eliya, na Mose.”

Atile, “Lelo *imwe* finshi ifyo musosa?”

Petro atile, “Nimwe Kristu, Umwana wakwa Lesa uwa Mweo.”

Lolesheni amashiwi nomba, “Walipalwa iwe, Simon, mwana Yona; umubili no mulopa tafisokolwele ici kuli iwe

(tawacisambilile kuli shimapepo umo; tawacisambilile ku seminary imo), lelo Tata uuli mu Mulu nacisokolola kuli iwe. Kabili pali ici cilibwe (ubusokololo ubwa bu mupashi ubwa Cebo), Nkakula Ulukuta Lwandi, kabili ne mpongolo sha kumbo tashaka Lwanshe.”

Natontonkenye, “Shikulu, ici eco.” Nali belengele uku lubali mwi Buku lya Kusokolola, ici pandwa ca 21—icipandwa ca 22, uko asosele icituntulu, “Uyo onse (ici e cintu conse)—Uyo onse ukabikako icintu cimo kuli Cena; uyo onse ukafumyako icintu cimo ukufuma kuli Cena (ukukana ukuti Cili fyo), atemwa uyo onse ukesha uku Cilenga ukuwaminako, uku Ciwaminisha muli buno bushiku; uyo onse ukalundako atemwa ukufumyako, uyo wine akafumishiwa, icakaniko cakwe, ukufuma mwi Buku lya Mweo.”

Natile, “Kanshi ico ceka eco ndekabila fye, Shikulu, caba ukucetekela *Ici*. Kabili muli *Ici*, lulyo lupanda kulya, Kristu alishile.” Caba ica pwililika ukufuma lilya, icebo conse ico Atalile ukusosa. Bule Buku muli *uku* ukuboko, ilyashi ilyakale muli *uku* ukuboko, kabili cishininkishiwa fye napa mpela, icapwililika fye. Kabili natile, “Kanshi, Shikulu, mpokeleleni!” Kabili ilyo nacityle, nali pokelele Kristu, Umupashi wa Mushilo, mu mutima wandi, Ishintililo lyandi. Tacatala ukuba nine.

Nalilwele inshita imo lintu na—nalufishe umukashi wandi; nalufishe umwana wandi; owe, nalufishe batata, kabili nalufishe munyina, kabili nalufishe mulamu wandi umwanakashi. Kabili Billy alilele, alefwa, kabili—kabili nalifye mu pepi no kuya... Naleywa mu musebo ndelila, ukuya ku nshishi yakwe (kabili ena na kamwana, kabili akamwana pa maboko yakwe)—ukuya ku nshishi. Naleenda; Ba Isler (baleisa kuno no kwangala, namwishiba, niba Senator ba buteko ba mu Indiana), baleisa mu musebo. Bali minine kabili bali butwike kulya no ku nkumbatila (cali ni panuma ye lyeshi ilya mu ’37; batile, “Nikwisa uko uleya, Billy? Kuli ilye ncende?”

Kabili natile, “Ee,!”

Atile, “Cinshi ico uleya mukucita kulya lubali?”

Natile, “Ndeya mu kukutika ku cipele ca kale.” Natile, “Njikala palya pa nshishi ya kwe no mwana. Icipele ca kale cilesa palya, kabili cilalanda kuli ine.”

“Owe,” Atile, “Billy!”

Natile, “Ee! Ndomfwa ukutotosha kwa mabula ilyo balelulisha.” Cila nyimbilako inyimbo ine, Ba Isler.”

Atile, “Nyimbo sha musango shani cimba?”

Natile,

Kuliko icalo ukuciluko mu mana  
 Cilya ico beta lyonse icawama,  
 Kabili tufika fye kulya ku lulamba ku  
 citetekelo icaikaishiwa;  
 Umo na umo tulafika kucifulo cilya,  
 Kulya ukuya ikala nabo abashifwa.  
 Lintu ubushiku bumo bakalishisha yalya  
 amabelo ya golide kuli imwe na kuli ine.

Atile, “Billy, ndefwaya ukukwipusha icintu cimo.” Atile,  
 “Inga Kristu apilibula nshi kuli iwe? Inga Kristu apilibula  
 nshi kuli iwe?”

Natile, “Wene e Mweo wandi, Fyonse wandi. Wene e fyonse  
 ifyo nakwata. Mr. Isler. Wene e wandi—ica ku Peleksha candi;  
 Wene e fyonse ifyo ninge katililako.”

Cinshi? Kwalingile ukubako icintu cimo ukucitika.

Pali ici cilibwe. . .

Atile, “Nalikumwene iwe nawiminina pano pa cifutu no  
 kushimikila mpaka wamoneke kwati walafwa. Nalikumona  
 ama ora yonse ya mu bushiku, ukulaeendauka mu misebo  
 ukutuma balamya ba balwele. Kabili panuma lintu Asendele  
 umukashi obe no mwana obe, ucili ule Mubombela?”

Natile, “Nga Anjipaya, nelyo line nka Mucetekela.”

Cinshi? Inanga yandi yalikatilila mu cipembe; nalikwete  
 Ishintililo. Naliikakilile ne mwine ku Cebo Cakwe, kabili Icebo  
 Cakwe calikatilile. Ena e Shintililo lyandi. Nalisangile ukuti  
 fyonse ifi fintu fimbi kuti fyafilwa, lelo Kristu tekuti afilwe.

Ulukuta lwa Katolika lwalikwata papa nge shintililo; ba  
 Protestant balikwata ama Bishop babo, kabili ne fisumino  
 fyabo, kabili naba general overseers babo, lelo ine, nga  
 Paulo. . .

Namukwata amapensulo yenu? Lembeni icintu cimo!  
 Mu. . . Paulo atile mu Milimo ya Batumwa icipandwa ca 20  
 kabili na vesi ya 24, “Tapali nangu cimo pali fi fintu  
 ifintensha.”

Owe, kuti bakwata ifisumino fyabo; kuti mwakwata conse  
 ico mulefwaya, lelo ifyo fintu tafinsesha!

Nalikasha umweo wandi mu ncende iya  
 kutushishamo,  
 Ukoba pali ba bamba uuli mu cimfulumfulu  
 (nshishibe nga nikwisa pantu muli, *uku*  
 lubali, *palya* lubali) takuli nakabili;  
 Amabimbi aya bipisha kuti yakunta pa mulu  
 wa cipupu mukati ka mabimbi aya shika,  
 (Fyonse tekuti fyafwe)  
 Lelo muli Yesu ndi uwacingililwa umuyayaya.

Ee! Tapali nangu fimo pali fi fintu ifintensha, pantu nali kakililwa ku Nanga.

“Owe, ukutula ilyo na Mukumenye,” Paulo atile, “pali ulyo musebo, nali kakwa ku Nanga. Alimpilibwile; Alinengele ukutampa bwino.” Muleibukisha, Paulo alipo kukabungwe nao (aka kalamba sana mu calo), lelo aishile kakililwa kwi Shintililo.

Umfweni! Ndefwaya ukumweba icintu cimo. Alikwete ipange mu kumpususha; Alikwete ipange mu kupususha imwe. Kabili ndi uwakukabila, ku bufwayo Bwakwe, uku cicita, te kulundako kuli Cena atemwa ukufumyako kuli Cena (Ukusokolola 22:19, nga mulefwaya ukulembe co.) Cisuma! Uyo onse ukafumyako. . . Ndekabila (ndi mupepi no kusha ulukuta, kabili namwishiba ico), kabili ndi uwa kukabila fye ukwikalila ne yi Mbila nsuma ilyo lyonse ndi no mweo, ukupitila mu bwafwilisho bwakwa Lesa.

Ibukisheni! Ishi pano inkumbu. Kwaliko imintapendwa abafwile mu lubembu lintu Ampuswishe ine. Nali ni ne ani ukuti Enga mpususha? Alikwete ipange mu kupususha ine, kabili ndi uwakukabila nganshi ku kubomba lilye pange. Nshilesakamana; nalimo impela yandi kuti yabapo nomba line; lelo conse ifyo cili, ncili uwa ikashiwa. Nshatala ukucipilibula.

Mr. Isler asosele kuli ine bulya bushiku, twaleenda mu musebo; atile, “Billy, muli bonse ubu bwafya bushe walisungile bukapepa bobo?”

Natile, “Iyo, mukwai, bwalinsungile.” Mwamona, mwamona? Inanga yandi yalikete. Ico cishinka. Nshatalile ukubusunga; bwalinsungile. Tekuti mbusunge; takwabako inshila kuli ine iya kucicitilamo, lelo bulansunga. Ici eco.

Alikwete ipange mu kupususha ine. Kwali imintapendwa iyali mu lubembu lintu naishile kuli Wene, lelo Alimpuswishe. Alikwete ipange mukucite co. Imfwa iyakwa Kristu yali li Shintililo, ku mwenso uwa cena.

Imfwa yakwa Kristu yali pwishishe ilipusho. Lintu lulyo lushimu lwa mfwa lwa Musumine no kwikasha lulyo lubola. . . Namwishiba, ulushimu—icishishi icakwata ulubola, nga lwaikasha lulyo lubola mu—mukati sana, nga lwafumapo, lulafumya ulubola ukufuma muli lwena. Imfwa lyonse yalikwata ulubola.

Imfwa lyonse yalikwata ulubola, kabili ubushiku bumo ilyo cilya—ukuya pa Kalbale, kabili ukuipumaula kuli yalya amabwe, umulopa ukulasabukila pali yalya amabwe. . . Lintu lwa umine pa lukungu pa Kalbale, ukuya ku Gologota, impela ya lulyo lupanda yaletinta ifishilwa fya nkasa sha mulopa—umulopa isha ulyo unono, umubili uwaonda uwaleya,



ukulaenda mulya (bena ukulamukapa no kumutobaula Ena lintu Alenina pa lupili); lelo Alikwete Ishintililo. Alishibe apo Aiminine, pantu Icebo cakwa Lesa catile ukupitila muli David, “Nshakashe uwa Mushilo Wandi ukumona ububole; nangu Nkaleka umweo Wakwe kumbo.”

Alishibe ububole bulabapo pama ora amakumi cinelubali na fibili; Atile, “Onauleni ili tempile, kabili Nkalikula nakabili mu nshiku shitatu.” Alikwete Ishintililo!

Palya Aleya pa mulu wa lupili ne fikola ifya kusenteka, amate yaba shilikale abakolelwe, abo abakakile insalu pa cinso Cakwe, kabili bali Mumine pa mutwe, no kutila, “Uli kasesema, twebwe uukumine!” Palya aleya pa mulu wa lupili mu nsoni na mukusebana ukuba—ifya kufwala Fyakwe balififulile pali Wene, ukusende nsoni, natanikwa pa capindama kuntanshi ya bantu, ubwamba; ukufwa mukusebanishiwa na Roma ukupitila mwifunde ilya kukandwa ukwa buteko, Umuntu ushacitile nangu cimo.

Ilyashi ilinono inshita imo lyatile Mary Magdalene ali butukileko no kutila, “Cinshi ico Acitile? Alyundepe abalwele benu, ukubusha abafwa, no kuleta ukupokololwa kuli abo abali—mu busha. Cinshi ico Acitile?”

Kabili shimapepo alimutobele ulupi pakanwa, mpaka umulopa walisabwike, kabili atile, “Bushe kuti mwaumfwa kuli ena atemwa shimapepo wenu umukalamba?” Owe, lilye sonde ilya filonganino; cintu catipwa conse fye. Cilya eco. Cilya icili palya.

Kabili bali Musendele no ku mutwala. Lelo ilyo Aleya pa mulu wa lupili ukulatinta. . . Kasebanya lyonse alicitwishike, Ena ukuba fintu Ali. Atile, “Nga cakuti uuli Mwana wakwa Lesa, pilibula aya mabwe yabe umukate. Ulasoso kuti ulacita ifisungusho. Ngo uli Mwana wakwa Lesa, eba aya mabwe yasanguke umukate.”

Ulya kasebanya umo wine uwakale acili epo ali nelelo. Ico cishinka. “Ngoli kondapa wa Bulesa, uyu pano Yohane umukote *Kampanda-na-kampanda* naikala palya pa cifutu; nalishiba alilemana amolu; mundape!” Bushe tamwishibe ukuti ni kasebanya umo wine uwa kale?

Yesu atile, “Ncita fye. . .” Lolekesheni! Aile pita pa cishiba ca Bethesda, uko amakana balele kulya, abalemana, impofu, ifite, kabili abaondoloka, kabili aile ku muntu uyo uwingenda. Kutu aendauka; limbi akwete fye ubwafya bwakunakuka. Conse fintu cali, calikalishe (akwete imyaka amakumi yatatu na cine conse conse). Atile, “Elyo ndeya mu cishiba, umuntu umo alantangilila.” Kutu aenda. Alibashile bonse nabalala palya kabili no kuya kuli ulya wine, no kumundapa. Cinshi?

Atile Alishibe ali muli ilya mibebe. Elyo batile kuli Wene, bali Mwipwishe ilyo ba Musangile (Yohane Washila 5); Atile, "Mucine, cine Ndetila kuli imwe, Umwana te kuti acite akantu Umwine, kano ico Amona Tata alecita..." Lilya palya Ishintililo Lyakwe. Lilya nombamba licili e Shintililo.

Ukwiminina kulya mu Finland bulya bushiku, kabili ulya umulumendo umunono alilambalele palya, kabili na lyendele uku mushinguluka nalambalala palya nafwa (alifwile pali citika uwa ora. Mukabelenge mwi buku)... Natendeke ukulafumako; icintu cimo cabikile amaboko pali ine. Nalipilibwike; natontonkenye, "Caciba ni cinshi cilya?" Kabili nalilolekeshe nakabili. Nalitontonkenye, "Lolela pali miniti!" Nalilolekeshe kunuma kuno pe pepala lya mu Baibebe, "Kabili cikesa fikilishiwa, umulumendo umunono nalimo imyaka pabula iya kufyalwa...Akepaiwa na motoka. Kukabako impanga iikulu iya fyani ifyamulemfwe, amabwe yakaba mulya; motoka ikeminina uku cilinganya umusebo, iya onaika. Akaba nafwala utu sokoshi utunono kwati, ukufika pa mulu, ne mishishi isha putulwa pa mulu; na menso yakwe ayanono ya kapilibukila kunuma; amafupa mu mubili wakwe ya kakontoka."

Naliloleshe; natontonkenye, "Owe, mwe Lesa!

Natile, "Iminineni shilili imwe bonse!" (Ba mayor ba musumba epo bali.) Natile, "Nga ulya umulumendo tabe pankasa shakwe mu ma miniti yabili ukufuma nombamba, ndi kasesema uwa bufi. Mu nyenshe no kuntafya mu Finland." Mucine cine! "Lelo ngala buka, mukwatile misha imyeo yenu kuli Kristu." Ico cishinka. Baliminine shilili.

Natile, "Shifwe uwa mu Mulu, ukuciluka bembamba kulya, imyaka ibili iya fumako, Mwatile uyo mulumendo umunono akalala pano..."

Palya pali Munyina Moore na Munyina Lindsay, nabena ukulolesha pali cilya. Kabili ukuli konse, kabili balicilembele muli Baibebe; kabili ama Baibebe amakana ku calo cilya bali cilembele muli yena. Cali ni cinshi? Ishintililo.

Tata alilangishe ico icali no kucitika. Takwali umwenso nakalya ukwiminina palya—Ishintililo. Mucine, alabuka.

Mulya mwine mu Finland, uko abantu amakana baleisa ubushiku (kabili balefumyamo bamo no kuleka babe—ukubekalika; ukubafumyamo no kwingishamo umuntu umbi), palya aliminine ne...Fyonse filya—abantu balintemenwe; kabili balemona ukundapwa kulecitwa, lelo pano pali lambalele umulumendo palya nafwa. Ishintililo lyali ni cinshi? Irimonwa. "Ncita ifyo Tata asoso ukuti cita. Uyo uwa cetekela muli Ine, imilimo iyo Ncita nao aka cita." Ilyo apo Ishintililo lyenu.

Natile, “Imfwa, tekuti imwikatilile nakabili; Lesa nalanda! Bwekela; mulekeko!” Kabili no mulumendo umunono alibukile kabili alilolekeshe nga filya; abantu ba tendeke ukufwa umutombo kabili na fyonse fye.

Cilya icili palya, calembelwe palya pene no kusainwa kuli ba mayor ba musumba, kuli notary public. Ico cishinka! Cena ni cinshi? Ishintililo. Yesu Kristu aba cimo cine mailo, ilelo, no muyayaya. Nga cakuti ulya te Lesa umo wine uwaiminine umwanakashi uwafumine ku Nain pamo no—ukushindika ena no mwana wakwe.

Ngo muntu uuli onse afwa muli shilye nshiku, balebabika mu nshinshi lilya line; tabalebaleka mpaka mailo; balebabika mu nshishi. Ulya palya Yesu Kristu umo wine mailo, ilelo, no muyayaya. Ee!

Lolekesheni kulya lubali mu Mexico lintu kalya ka mwana kanono (bamo imwe mwebalele muno—mwe bekele muno), kabili kalya aka mwana (doctor alilembele icipepala; cali lembwa mu Christian Business Man), kalya aka mwana kalifwile lilya u lucelo naini koloko, kabili ici cali ni teni koloko lilya mu bushiku. Kabili ulyo mwanakashi umunono te kuti atalalikwe. Billy aliminine palya, umwana wandi umwaume, ukwasha ukumulesha, kabili alikwete. . . Cisuma, bena, ndemona, balikwete abakwafwilisha imyanda ibili bali minine kulya; kabili ali banyantawile. Ubushiku ubwafumineko, ulya umwaume mpofu apokelele amenso yakwe; kabili alishibe. (Ali ni Katolika.) Lelo mukulekelesha, natile, “Kabiye, Munyina Moore, kabili kamupepelele, pantu kalya ka mwana. . .” Yaleloka, ukupongoloka, bali nabeminina palya ukutula ulucelo celo lilya (mukati mulya mu cibansa icashinguluka.) Kabili natile. . . (Njikisheni pa ntambo kunuma nyingile mu ncende, ukuba fye mulya pa nshita sha bushiku shitatu.) Nali minine palya, kabili natile, “Nge fyo nalesosa. . .” (ukushimikila) kabili naliloleshe; nali mwene aka mwana akanono kuno kwine ku ntanshi yandi, aka mwana akanono aka mutundu wa Mexican, takakwete ameno, kekele fye palya, kalensekela—kuno kwine fye ku ntanshi yandi. Natile, “Lolela pali miniti, Munyina Moore, mulete kuno.” Owe, Ishintililo!

Bakafwilisha balitalwiweko; uyu alishile. Alifukeme panshi no kutila, “Padre, Padre!”

Natile, “Iminina!”

Kabili Munyina Espinoza atile, “Iminina (kabili ali mwebele mu ci Spanish).” Aliminine palya.

Natile, “Shifwe uwa mu Mulu, ninjiminina pano muli iyi mfula. . .”

Umwanakashi umunono uwa yemba nalimo imyaka amakumi yabili na itatu iya kufyalwa, icapala nge fyo,

imishishi yakwe yalelebela, icinso cakwe icinono ukulolekesha pa mulu nga filya, imimonekele yakwe iya mu menso—ne subilo; alimwene ulya umwaume uyo uwali mpofu umupwilapo pa myaka nalimo amakumi yane, amenso yakwe yaishile isulwa ku ntanshi. Alishibe nga kuti Lesa aisula amenso ya pofula, Ena kuti aundapa akamwana kakwe. Palya kalilambalele mulya, akantu akanono akauminina na kalambalala mu bulangeti nga filya, kabili kena akabomba. Aliminine palya ulucelo lonse kabili na mulya mu cungulo namo. Cilya cali palya nalimo leveni koloko—teni koloko lilya mu bushiku, icapala nga filya ukwikatilila kalya aka mwana (mwalimona apa lembelwe mu Christian Business Man’s) mulya, ukwikatilila kalya aka mwana nga filya.

Natile, “Shifwe uwa mu Mulu, nshishibe ifyo ici cilepilibula. Ndi fye umubomfi wenu. Lelo nimona kalya kamwana nakeminina palya; kaciba no mweo. Ndebike ndupi shandi pali kena mwi Shina lyakwa Shikulu Yesu.”

Katile, “Waa!” Katendeke ukulila. Nyina alibulile akamwana no kutendeke ukulapunda, kabili abantu batendeke ukulapunda monse fye mulya, kabili abanakashi ukulafwa umutombo, ne fintu. Natile, “Mwiesha ukusosa po icintu icili conse palwa ici. Tumeni umo pamo nakalya aka mwana—na ulya nyina, kabili kabiyeni kuli ulya doctor, kabili lekeni aye saina icipepala ukuti kalya ka mwana kalifwile. Kalifwile no tulaso ulucelo lintu cilya kabili atemwa lilya mu lucelo pa naini koloko.” Kabili natukwata ilyashi ilya lembwa na doctor; aka mwana kaebelwe ukuba akafwa mwi ofeshi lyakwa doctor lulya lucelo, kabili nyina alyendele nako akasuba konse. Cali ni cinshi? Lishintililo!

Cali ni cinshi? Alicetekele nga akuti Lesa aisula amenso aya pofula, cinshi, Lesa kuti abusha abafwa; pantu ena aba cimo cine, mailo, ilelo, no muyayaya! Nshali uwashininkisha; nshaishibe mpaka ilyo namwene. Kabili ilyo namwene aka mwana, cali li Shintililo. Ica lungama mucine cine! Cilya cali palya. Imfwa ilingile ukulekako umusha wakwe.

Pano alile Umwana wakwa Lesa; lulyo lushimu lwa mfwa lwa tendeke ukulila mu pepi na Ena. “Owe, kuti abashani ni kasesema! Kuti aiminina shani palya no kuleka ba mufwishile—amate mu cinso cakwe? Kuti aiminina shani palya no kuleka bena ukumusenteka kabili ukukana citapo nangu cimo palwa cena! Ulya te Immanuel! Ulya muntu fye. Lolekesheni ku fikola fya malwa ukufuma kuli balya abashilikale abakolelwe. Lolekesheni ku cinso cakwe kulesumo mulopa!”

Kasebanya atile, “Nalamwikata. Nalamwikata.” Uyu alishile ngo lushimu, ulubola lwamfwa, uku panga iciunda uku Mushinguluka. Lelo, Munyina, lintu lulyo lushimu lwaikeshe ulubola lwaluko muli ulya Immanuel, lintu lwaishilefumapo, lwalufishe ulubola lwaluko, nangu ni mfwa ine.

Te cakusunguka Paulo panuma kuti alolekesha mu cinso caiko no kusosa, “Owe, we Mfwa, inga ulubola lobe luli kwi; nshinshi, ukucimfya kobe kuli kwi? Lesa alumbanishiwe uutupela ukucimfya, Uyo uwatupela ukucimfya.” Imfwa yakwa Kristu yali Ishintililo ku muntu uuli onse uwakwete umwenso pali yena.

Umutima wandi ulesosa “ameni” ku cebo conse mwi Buku Lyakwe. (Ndi mukwisala, mucine nganshi. Nalaputulako fye ici. Mwamona?)

E mulandu wine nalishiba Umupashi wa Mushilo e Compass yandi iyo intungulula. Ena e Ulya uulenga ine ukwishiba ici Cebo ukuti ca cine; Ena e Shintililo lyandi; Ena e kusanika kwa Kasuba kandi; Ena e Bumi bwandi; Ena e Nanga yandi! Lintu amafya yabako, Ena e Lutanda lwa ku Kapinda ka kulyo kwandi. Ilyo naluba, Umupashi wa Mushilo e Compass yandi ii ntungulula ukubwekela ku cifulo.

Ifilonganino fyaba nge ntanda shimbi; filasela pamo ne sonde. Intanda shimbi shilasela ilyo isonde lilesela, lelo te Lutanda lwa ku Kapinda ka kulyo. Isonde kuti lya sela uko lilefwaya ukuselela, lelo lwena lula shala filya fine. Owe, munyina...?..Ulutanda lwa ku Kapinda ka kulyo lwaliikata. Shimbi shila shinguluka; kuti mwashimona pano na palya, kabili na konse ukwashala. Filya e fyo caba nama chalici ya filonganino. Lelo Kristu e Shintililo. Ena e Ulya uo mwinga kwatilamo isubilo. Lintu filonganino fya mufulungenye, lolekesheni fye pa Lutanda ulwa ku Kapinda ka kulyo. Umupashi wa Mushilo e Compass yenu.

Ena alikalilila fye uwa cine ku Cebo Cakwe. Ilyo banjebele ukuti filya fintu te kuti ficitike mu nshiku shipya nga shino, nalishibe nga—nga kwaliba—nga takwaba Lesa, kanshi ikaleni, lyeni, nweni, no kusasamuka. Lelo nga kwaliba Lesa, lekeni tu Mubombele. Kabili ninjikala ukumona ubushiku ubo Abomba ifintu fyonse, nangu ku kubusha abafwa ilyo Ali pano isonde. Kabili twalishiba cilya ku makalata ayalembwa ukuti cena cishinka. Ee, mukwai! Ena e Shintililo lyandi.

Nomba, Mulengeni abe Shintililo lyenu. Sendeni mu—mu nshita iya bwafya bwandi, Ena lyonse e Shintililo. Nomba lolesheni, ku nkumbu shakwa Lesa... (Nomba, ningile fye ukwisala. Ileya ilepwa. Cisuma lolekesheni pano, nacitontokanya ni leveni koloko; kabili ili 12:30.)

Mwe fibusa, akasuba konse, mu bushiku bonse, umwaka onse, kabili mpaka mu Muyayaya monse tekuti tulande pali cena. Mwilaesha ukucelenganya. Tekuti mucicite. Takwaba inshila iya kucelenganishamo. Mwatila, “Munyina Branham, nga—nga iwe...”

Nshishibe; nci cetekela fye; nalileka ukwasha ukucitapo icintu icili conse palwa cena; nci cetekela fye. Epela fye.

Mwamona? “Te uyo ubutuka, atemwa uyo uufwaya, ni Lesa ulangisha uluse.” Mwamona? Te ku milimo, ni ku nkumbu. Mwamona? Nci cetekela fye. Lesa. . . Caba fye kuli Ena ukucita fyonse ifya shala. Ci cetekeleni fye. Citeni ukulingana na cena.

Ulu lwimbo ulwalumbuka sana, nalibomfwile balelulisha—luleimbwa muno atemwa ku cifulo cimo:

Yangu, icitemwiko cakwa Lesa, ifyo canonka  
no kupwililika!  
Ifyo cashika no kukosa!  
Cena cikabapo lyonse,  
. . . aba mushilo naba malaika e lwimbo lwabo.

Lintu umuntu mu nsamunshi aeseshe ukulondolola, atemwa ukweshwa ukulangisha ukupita mu masambililo yakwe, kuti cakulenga ukupena. Tekuti ucicite. Mwikesha uku cicita. Mwila esha ukucelenganya; Lesa tekuti umwelenganye. Tekuti mwelenganye pali Lesa, mu cetekela fye Lesa. Ilya e—ilya e nkama. Mwilacelenganya, cicetekeleni fye. Tekuti mwebe ifyo cipilibula; tekuti mwebe ifyo mwinga cicita. Naishiba fye, uku cicetekela fye; epela fye.

Kwati fye, mwalaya icintu cimo ku mwana umunono, ala cicetekela. Mulingile ukusunga icebo cenu. Muli bana bakwa Lesa. Ena alasunga Icebo Cakwe; mule cicetekela fye Cena. Mwila tenshiwa; muleikala fye palya pene. Lesa alicicitile inshita imo, Alingile ukucicita nakabili. Nga Tale cicita, Ali no kumweba umulandu tekuti Acicitile. Kabili ico cishinka. Nomba, ikaleni fye na cena.

Namwishiba, ilya vesi imo palya. . . Ndecetekela munyinefwe umusuma palya (ali batishiwa mailo mu bushiku) alemba lulyo lwimbo, *Yangu, Icitemwiko cakwa Lesa*. Balanjeba ukuti ilya vesi, ici ciputulwa ca lwena, casangilwe na cilembwa pa cibumba ca cikulwa ca mashilu, lintu lwatile:

Nga ifwe twalikwete ink ukwisula bemba,  
Atemwa nge myulu yali pangilwe nge ca  
kulembelapo;  
Kabili umupeti onse pe sonde ukube cilembelo,  
Kabili cila muntu incito yakwe bukalembe.  
Ukulembe citemwiko cakwa Lesa ku mulu  
Kuti cakamya bemba,  
Atemwa kuti umufungilo wakwate ncende,  
Nangula winga fungululwa ukufuma umulu  
no mulu.

Tontonkanyeni pali cena, lintu nalimo iciputulwa ice sonde caba menshi. Kabili lolekesheni hydrogen, na oxygen mumwela, amenshi mu myulu ne fintu. Mwamona? Nga cakutula umutonshi onse wali ink, kabili tontonkanyeni pama billions, na trillions, na trillions iya tufyani iyo iingaba ifilembelo. Kabili tontonkanyeni pali ba billion ba bantu abo

abaikalapo pe sonde kabili cila umo muli bena incito yakwe ni kalemba. Ukubika filya ifilembelo muli bamba no kwesha ukwelenganya pa citemwiko cakwa Lesa kuti cakamya bamba; atemwa umufungilo teti ukwate ncende, nangula winga fungululwa ukufuma ku Muyayaya ukuya Muyayaya.

Mwilacelenganya; te kuti mucite. Kuti mwafulungana nga mwaesha ukucelenganya; ci cetekeleni fye. Mulengeni Ena ukube Shintililo lyenu! Ikaleni palya; umutende uwa wama kabili no kwishiba uko tamwakatale ukulabako, ikashiweni kuli cilya, kabili Inanga yenu ikekatilila mukati ka cipembe. Katukontamike imitwe yesu.

Ifyo Mwaba aba kulu! Ifyo Mwaba aba kulu! Nibanga muno ne mitwe yenu iya kontamikwa muno lucelo... Cilepalamina ku Mwaka Upya nomba; kabili mwali aba bukapepa sana (kabili ico cisuma, ndetotela pali co, cila umo muli imwe. Ndecetekela Lesa alecita), Lelo Mucine cine tamwatala amukwata ukwishiba lilye Shintililo, ukutila icintu cimo ico tamwakwete ukuitunga ukucetekela, tamwa elengeny fye, lelo icintu cimo calyaswike ukulanda kuli imwe. Kabili elyo mwalimwene ubumi bwenu ukupilibulwa ukufuma ilya nshita, kabili cila Cebo icakwa Lesa, cila bulayo bupwishishiwa na "Ameni." Lyena namwikatilila kwi Shintililo, pantu mulebukisha, Atile, "Imyulu ne sonde fikapita, lelo Icebo Candi tacakafilwe." Tamulati mwise kuli cilye cifulo na nomba uko mwinga sosa ukuti "Ameni" ku Cebo conse, nga calesusha icisumino cenu, ninshi calesusha ici longanino cenu; lelo mulefwaya ukwisa kuli cilye cifulo nga Mose, nga bonse abashala (nga tabacitile cilya mpaka ilyo baikete lilye Shintililo), kabili mulelifwaya mu bumi bwenu muno lucelo, bushe kuti mwalangisha fye icintu cimo cine pa kwimya fye amaboko yenu kuli Lesa. Lesa amupale. Cisuma, mukwai. Monse fye mu cikulwa.

Tata uwa nkumbu, ninjishibo kutila inshita imo tukapatukana. Kukabako inshita imo ilyo tukaya no kusha ili sonde. Tatwishibe inshita ilyo cikaba, kabili taciba ubupusano nganshi. Nge nshita yesu naipwa, lyena tulefwaya ukwisa. Amapange twakwata ukwikala pano kufwayo kubombela Imwe.

Kabili ukutula pa musebo wa busanso ubushiku bumo, nge fyo Paulo ali pa musebo wa ku Damaseke ukuya mukucusha Ulukuta, Ulubuuto lwali mupofwishe. Kabili owe, Lesa, ilyo Lubuuto lwa mukonkele, pantu Cali ni Kristu. Kabili alikashiwe palya kwi Shintililo ica kutila nangu ni mfwa iine, kuti aiseka mu cinso caiko, no kusosa, "Ukutotela kube kuli Lesa, Uyo utupela ukucimfya ukupitila muli Yesu Kristu."

Mwaishileba Ishintililo ilya pwililika kuli ulyo Mutumwa. Ena ali e... Imwe mwali Ameni kuli wene kwi shiwi ilili lyonse. Imwe mwali Ulutanda ulwa bumi bwakwe, incenshi

Yakutungulwilako. Imwe mwali Compass uyo uwa mutungulwile ukupita mu mabimbi. Imwe mwali Ubusokololo; Imwe mwali Icimonwa; Imwe mwali Isubilo lyakwe, Ipusukilo lyakwe. Kabili nangu ni pa nshita yamfwa, lintu aishibe aleya kuli yena, Imwe mwali ne lyo line Ishintililo lyakwe.

Imwe mwali Ishintililo lyakwa Daniel. Imwe mwali Ishintililo ilyaba kasesema bonse. Mukati ka filonganino ifya pusana pusana, na mumafya ya nshiku shabo, kabili aba Fariseo naba Seduki, nelyo line kwali abantu aba sendele Imwe ukube Shintililo lyabo.

Kabili ilelo, Shikulu, abaume na banakashi ne nkumbu, ne citemwiko, kabili—kabili imitima ilelila, Shikulu, ku kwishiba ukwine kwine ukwa kwishiba Lesa, kabili ukukwata i—icishininkisho ice shintililo, nalimo abantu bonse ico baishibepo kale, Shikulu, cali fye ukuilunda ku lukuta. Kabili natwishiba, nge fyo njeseshe mubufuma cumi, te kubo uwapusana (Mwalishiba umutima wandi), lelo bebeni ukutila teti muilunde ku Lukuta, mulailunda umwa kusendama, ba Methodist, naba Bapstsi, naba Katolika, naba Pentecosti umwa kusendama; lelo mulafyalwa mu Lukuta—Umubili uwa kupapusha wakwa Kristu, kabili mulesa mukuba ifilundwa ifya Mubili Wakwe, ne fya bupe ifya Mupashi ku kulenga Umubili Wakwe uukalamba ukwenda mu micitile na mu maka.

Mwe Lesa, ifi efyo aya maboko yacipilibula muno lucelo lintu yacimishiwa pa mulu. “Mbikeni, owe, Shikulu. Mbuleni, mumbeni, nengeni; lengeni fye icifulo candi mu bumi ukukwate Ishintililo nge li, ukukakililwa kuli Kristu, ica kutila Nshakatontonkanye nangu cimo lelo pali lilye Shintililo.” Cipeleni, Shikulu. Bapaleni. Undapeni abalwele naba cushiwa. Pususheni abaluba.

Nomba, Shikulu, twalishiba caba ulutambi ku kwita ku cipailo abantu, lelo cilya casanguka ukuba icishilano kuli ifwe. Kabili muno lucelo ne fipailo ukwisula kabili na—nabana aba nono kabili—kabili bonse...Lelo, Shikulu, mu nshila imbi Mwacilanda kuli bena; nabemya amaboko yabo. Bacicita—bacicita, nge fyo caciba ukusala. Balefwaya uku, bena—bena—bena balefwaya icintu cimo icituntulu; kabili ndepela ipepo lyandi mu cifulo cabo. Cipeleni kuli umo umo, Shikulu.

Beni na ifwe, ukutubelela ulubembu lwesu, ukundapa amalwele yesu, no kutupela ukupokololwa uko tulekabila.

Kabili, Shikulu, pa fintu fyonse, lekeni twikalabako ilelo ukuti natukakilwa kwi Shintililo, Ulutanda lwa ku Kapinda ka kulyo lwesu, ku Kalbale, kuli Kristu, kabili Umupashi wa Mushilo alesenda Ifyebo fyakwa Lesa no kufilenga ukumonekela mubutuntulu muli ifwe pa kundapa abalwele, ukutulangisha ifimonwa, ukubusha abafwa, kabili no kucita fye filya fine ifyo Alaile ukucita.



Kabili lekeni ulu lukuta naba bantu, icilundwa ica Mubili uwa kwa Kristu abalongene muno lucelo, bekale nge fyo Yesu asosele ukwikala: “Muli umucele we sonde.” Kabili lekeni babe abalowa ngo mucele nganshi, mpaka abekala mushi banabo bakakwata icilaka. Umucele ulapela icilaka, kabili umucele kuti wabomba fye ilyo ulebikwa kuli cimo. Kabili ndepepa, mwe Lesa, ukuti Mwala pela ici ku bantu, ukuti bengaba bakanonka ba myeo nabo.

Paleni pastor wesu, Munyina Neville, uyu mubomfi uwa icefya, Shikulu, ukwiminina pa cifulo cakwe ica mulimo nakatina fye, nge cilundwa ca Mubili wakwa Kristu, ukweshwa no busuma bwakwe bonse ukukonka icili conse ico Mwinga mweba ukucita.

Paleni ama trustees, aba baume abaiminine pamo naine ne nkumbu nganshi muli ii nshita ikalamba, inshita ya mfifi iyo napitamo. Ukwiminina no Lukuta, aba pepele pamo naine no kwiminina ku lubali lwandi mu nshita sha mafya. Shikulu, nali batemwa, kabili ndepela ipepo lyandi ukuti bali no kulolekesha kuli Imwe, Shikulu. Lekeni batalushe amenso ukufuma kuli uyu mubomfi we loba ufwa; lekeni balolekeshe kuli Wena, Uyo uwaba uwa Maka yonse, Uyo uuli. . . Kabili twalishiba, Shikulu, ukuti tatwaishiba fyonse. Te mulandu fintu twaba, tucili tuli bena kufwa. Lelo te nkombe, lelo Imbila. Cipeleni, Shikulu. Kulya eko tusontelela kuli Yesu Kristu, Umwana wakwa Lesa. Cipeleni ukutila Alaba umutuntulu nganshi ku uuli onse muno ilelo, nangu ni kubana abanono, ukuti Alaba Ishintililo ku lukuta lonse. Twalombela mwi Shina lyakwa Yesu. Amenii.

Nali Mutemwa, Nali Mutemwa,  
Pantu Ali ntemenwe,  
No kushita ipusukilo lyandi  
Pa Kalbale.

Nomba, ilyo tuelwimba nakabili, poshanyeni mu maboko naumo uuli kuntanshi yenu, ku numa yenu, ku mbali yenu; cila muntu poshanyeni nomba. Beni aba ikala ifyo fine; pilibukeni fye no kuposhanya mu maboko nga kuti mwacita. Mwamona?

Nali Mutemwa, Nali Mutemwa,  
Pantu Ali ntemenwe,  
No kushita ipusukilo lyandi  
Pa Kalbale.

Ba cibilisha fye pa Mulalilo pali Cimo mu bushiku pakati ka bushiku. Lekeni twimye amaboko yesu nomba no kumwimbila Ena. Nibanga—nibanga abaleumfwa imwe—Ena Lishintililo lyenu? Icebo, Ena e Cebo. Bushe mwa cetekela ico? Ena e Cebo, kabili Umupashi wa Mushilo wa pelo bumi cilye Cebo ukulenga lulyo Lubuuto lwikale muli imwe, ulwa Cebo, icishishininkisho ica Cebo. Bikenii Icebo mu mitima yenu;

lekeni Mupashi wa Mushilo engilemo, kabili lolesheni Icebo ukwenda. Cetekeleni, icefyeni; mwiesha ukukabila ukuba umuntu umo umukalamba; beni uushili nangu cimo, pakutila Lesa enga mulenga ukuba umuntu umo. Mwamona? Cisuma. Citeni co nomba.

Cila muntu uwa Mutemwa alose, “Ameni!” [Ulukuta lwaasuka, “Ameni!”—Ka.] Namwishiba ifyo ishiwi *Ameni* lipilibula? “Cibe ifyo fine.” Ameni! Ico cishinka.

Natusose, “Halleluya!” [Ulukuta lwaasuka, “Halleluya!”—Ka.] Namwishiba ico ifyo cipilibula? “Lumbanyeni Lesa wesu!”

Lintu nali mu Germany te kale sana, naliminine kuntanshi ya bantu nalimo amakana amakumi yatatu atemwa amakumi yane kulya lubali bulya bushiku, kabili natile, “Cintu cakupapusha ukutila imwe mwe bantu baku German te kuti mumfwe.” Natile, “Munshila yandi ilyo na cilaisa kuno ilelo, imbwa ya ci mbosa mu Cingeleshi. Ico cishinka.” Natile, “Tayakwete ubwafya nakalya. Kabili kulya kwali akoni, kabili kali nyimbile mu Cingeleshi. Naleenda mu musebo, kabili na cifyashi acikwata akanya pamaboko yakwe, lintu nacisa ingila kunuma kulya kunuma.” Kabili natile, “Kalya akanya kacilalila mu Cingeleshi. Mulandunshi nai mwe mwe bantu?” Ico cishinka. Owe, nga kuti mwalolekesha fye mumbali, Ena aba konse, bushe Taba? Mucine ifyo Ali.

Nomba, lekeni twimye fye amaboko yesu, no kwisala amenso yesu, no kwimba, ilyo tuleipusha ba pastor ukwisa kuntanshi ku kutusalanganya. Lekeni twiminine intanshi. Cila muntu pa nkasa shenu. Cila muntu, bushe mwa li Mutemwa, nakabili nomba? Soseni, “Ameni!” Kabili mwalishiba, ishiwi *Halleluya* lyaba cimo cine mululimi lonse! Mukaye muma Hottentot mu mpanga ya Africa; *Halleluya* lishiwi limo line. Halleluya! Lilingile ukuba fye ukuposha ukwa Bwinakristu bushe takwaba? Halleluya! Ishiwi lipilibula “lumbanyeni Lesa wesu.” Kabili Alilinga kuli cena, bushe Taba? Ena mucine cine ni Kapususha wandi; Ena mucine cine ni Yesu Kristu, Umwana wakwa Lesa, kuli ine. Ena mucine cine aba cimo cine mailo, ilelo, no muyayaya, kuli ine. Bushe Aba ifyo fine kuli imwe?

Nali Mutemwa, Nali Mutemwa,  
Pantu Ali ntemenwe,  
No kushita ipusukilo lyandi  
Pa Kalbale.



*Ishintililo*, Vol. 6 No. 9  
(*The Absolute*, Vol. 3 No. 18)

Iyi Mbila ukufuma kuli Munyina William Marrion Branham, yabalilepo ukuletwa mu cingeleshi pali Mulungu mu ulucelo, Disemba 30, 1962, pa Branham Tabernacle mu Jeffersonville, Indiana, U.S.A., yalyambulwa ukufuma pali magenetiki tepu uwakopwa elyo no kupilibwila kwa mu Cibemba kwalembelwe mu 2000 na ba Voice Of God Recordings.

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)